


增修華亭縣志

卷

伍肆

災異志
大事志
名宦志
人物志



一千九百二十一年



增修華亭縣志

第六編災異志

國史災異與祥瑞並重縣志亦然據舊志及新近採訪華亭三百年來有災異而無祥瑞編輯者未敢擅造炫人耳目謹就所有分類立說按年編記無者暫為闕如以俟後親見祥瑞續修此志之君子補焉

亢旱說

旱天災也防旱人事也能防則人定勝天旱不為災不能防則天定勝人災成於旱防旱之法在積穀積穀之道分公私積穀於公其防旱也普積穀於私其防旱也偏防旱於普災可稍輕而

華亭縣志

卷三

災異志 亢旱說

一

不可全舒防旱於偏災可獨舒而不可全免欲求至善之策則莫若公私積穀立常平倉於官立社倉於民並教民積穀於家官民共防互相利濟之為計也周

霍澇說

洪水為災古今同患疏濬溝洫旱則引蓄以資灌溉澇則暢導以防橫流法至良意至美也華亭由同治安輯迄今六十年來山原開墾盡成熟地一遇霍澇毫無遮攔滾水捲泥漫山而下坡地沃土全被洗刷川地當道盡遭淹沒雖屬天災為患抑亦人功未至有以使之然也誠能近山造林以緩水勢近川開渠以通水道則洪水之患或可稍減居民田廬亦庶幾少漂沒之虞矣

電災說

中儒云電為山谷返寒凝結而成西儒云電為空際寒氣凍結雨點所成攷降時皆自北而南因風散布形成斜線東南溫暖低地鮮有是災趙浚谷志謂華亭地多山谷氣候高寒無歲無電土人謂電興蟒蟾之妖將降輒用大礮擊之俾雲氣動盪轉降他處以此觀之則電為離中之陰寒氣所結無疑義也姑將降電成災之度記之如後

蟲害說

西北之多好妨猶南方之多蝗蝻也夫好妨與蝗蝻皆為食稼之害蟲其孳生多在早年據昆蟲學家所攷好妨為蛾之遺卵

華亭縣志

卷三

電災說 蟲害說 地震說

二

蝗蝻為魚之遺卵或敷藁稈之上或藏沙土之中秋冬少霜雪之殘殺春暖即孵化而出為害甚巨趙浚谷志云好妨似蠶色雜而猛惡可畏幼胖多肉壯瘦多毛老則化蛾復遺卵種當幼壯時攀緣蠕動聚禾葉中而食其心節種子致減收穫一經霖雨則多浸斃聞練雀鳴亦自怯死誠能備簸鈇捕之點鐘可盡數畝絕不似蝗蝻有翅有股善飛善跳之難治也我華農民愚惰動輒委之天災事祈禱不尚人工縱老蛾不絕遺卵無怪乎連年有好妨之害也

地震說

中儒地震之說有三一蒙叟謂海水三年繞地一週流波相擊

地為之震二國語謂陽伏而地震三張融謂氣開而地震西儒地震之說亦有三一曰氣動謂地氣氤氳彌綸無間譬之輪船蒸氣氣力過旺水鍋必炸地震如之二曰風動謂地上風大者偃禾拔木飛砂鼓浪極大則尋丈巨舟吹移岸上連雲大厦捲如空際設地下之風無端暴發地面必然震動三曰火動謂地心之火時常縱橫閃爍一旦其燄欲吐無由則猛裂上攻地面必然震動當震動時如絃之顫動形成曲曲直線延長可數千里微震繼續有至數日或數十日者地質學又曰地殼多岩鹽處一旦岩鹽消蝕則地震塌日月吸引海水成極大潮汐地亦盪動學說雖不一致其震動之形狀總之則有顫動墳起陷沒

遷移裂縫五種而為災則甚巨余讀西儒龍華氏之書竊知地震之兆約有六端一井水本澄靜無波倏忽混如墨汁泥渣上浮勢必地震二池沼之水風吹成殼荇藻交縈無端泡沫上騰若沸煎茶勢必地震三海面遇風波浪高湧奔騰洄洑此為常事若風日清和颶颶不作海水忽然澆起洶湧異常勢必地震四夜半暗黑天忽開朗光明照耀無異日中勢必地震五天晴日暖碧空清淨忽見黑雲一縷蜿如長蛇橫亘空際久而不散勢必地震六時值盛夏酷熱蒸騰揮汗如雨驀覺清涼如受冰雪寒氣襲人肌為之栗勢必地震居民如遇此六兆宜急趨避以防不測之災謹將世界地震原理錄前華亭地震狀況錄後以備叅攷

瘟疫說

瘟疫為妨害生活之大患華亭人民冬春多傷寒夏多瘧疾秋多霍亂瀉痢早多眼疾喉症霖多瘋濕疹疥至其他特疫則雜出於四季之間六畜則羊多瘰症馬牛犬亦間有之豬多喉瘋牛多竄皮黃硬腿黃等症攷人畜瘟疫往往為前代所不記近則國家設立衛生部專究疫症之起源而籌防治之法縣市則提倡清潔運動會警察亦檢查販賣之食物欲在時令空氣居處飲食之中求一却病延年之方其對於人畜之籌施亦云至矣茲將歷年所經人畜疫症姑記之以備衛生部之調查如左

雜異說

華亭縣志

卷三

瘟疫說 雜異說

四

天地之大造化之異千奇百怪無所不有徃徃有為常理所無
誓學所難知者記為雜異用備特徵

明正統十三年戊辰山崩壓斃人畜甚眾

嘉靖二十六年丁未大霖

二十九年庚戌夏六月旱斗麥市錢一千五百

二十七年戊申大霖

天啟五年乙丑地震唐塔破裂民房傾倒

清順治七年庚辰地震唐塔復合

乾隆三十年乙酉夏六月降雹三尺大如雞卵屋瓦盡碎禾

苗一空

五十九年甲寅夏五月降雹尺餘山川形色宛如冬景
嘉慶元年丙辰春夏大旱斗麥市錢三千 六月降雹三次
山間冰塊有大如牛者

同治四年乙丑春夏大旱斗麥市錢四千

七年戊辰夏秋大旱斗麥市錢六千

十一年壬申春夏大旱斗麥市錢四千

光緒三年丁丑春夏大旱斗麥市錢一十六千

五年己卯夏五月望地震震向由東及西形成曲曲直
線房屋傾塌三日乃安

八年壬午夏五月降雹尺餘麥豆為空

十一年乙酉十一月八日夜星隕如雨

二十年甲午春二月大霧四十日丈外之人目不能見
冰霰壓折樹木聞聲驚人

二十三年丁酉夏六月廿三日暴雨白草峪水高三丈
漂没人畜

二十六年庚子夏六月六日大霖至九月乃止人民房
屋浸塌 人多傷寒牛多硬腿黃

三十四年戊申夏五月望地微震窻櫺有聲

宣統三年辛亥秋九月草木重華

民國元年壬子夏六月降雹盈尺南中北三區麻麥不收

是月又野蚘食禾 又大風伐屋拔木數圍大樹有連根拔起者

二年癸丑夏六月南北二區降雹六寸蔴穀無收 秋八月望南區吳家堡椿林寺後溝西崖崩陷裂罅如屋崩崖似城崩時雷電風雨大作有龍緣東山飛去長四五丈金光徧體過處山草盡堰崩崖石上多呈鑛質燦爛映日人多見而拾之余亦親往觀查焉

三年甲寅夏六月南北二區降雹八寸雲中冰塊有感受太陽光線在空中現七色異彩大如屋者 秋八月朔大霖三日勢如傾盆山崩川溢道路壅塞高下禾苗多

被淹埋近河居民有漂沒者 又是年人多痢疾牛多胃乾欄空幾輟農事

是年乙卯春夏人多瀉痢牛瘟死十分之四

夏五六月降雹六次蔴麥均受重傷山間有大如棹之冰塊 秋九月草木重華 又全年間旱斗麥市錢二千八百

五年丙辰春二月望颶風大數十圍高數十丈起闕帝廟出東闕其色赤黑向東南旋去不知所終 又春夏旱斗麥市錢二千八百 六月青燈教用妖術祭紙人剪雞尾割婦乳童莖天雨靖之 秋八月雹傷東北二

區蕎穀 牛瘟 秋冬泉水涸

六年丁巳春夏大旱斗麥市錢三千人與豬牛多喉症
六月望大雨勢如傾盆伐屋拔木平地水深四尺大河
小渠水高數丈水磨人畜田苗多被淹沒 又夏五六
月蚘蚋食豌豆玉黍南中北三區降雹盈尺蕎穀無收
廿八日西區降雹尺餘麥豆一空 冬十月六日日掛
雙耳

七年戊午春正月望縣西川潘家庄積水冰凍梅花一
株長九尺色青白花及枝桿歷歷可辨城鄉人士咸往
觀之議論紛紛有謂系天公之造化有謂系仙人之遺

跡繪畫者模其形式文人亦題詠之 夏六月望雹傷

新店九龍二鎮禾苗

八年乙未春冬旱斗麥市錢二千 夏五月望山寨馬

峽二鎮降雹如拳麻豆盡傷十九日嘴頭白草峪諸處
降雹傷禾 秋冬人多大頭瘟

九年庚申春豬牛疫 夏四月望西區王家寨庫陀里
降雹傷禾 冬十一月下七點鐘地大震其狀況西南
先大吼縣內地繼之大震震度約十五分鐘震時流星
亂墜震訖復大吼如雷連響五聲如礮黑氣騰空上蔽
星月既而黑氣退向東南白氣復起西北經二點鐘時

星月始朗震向開始自南而北形成簸揚之狀牆倒屋塌崖墜山崩地裂樹舞雉鳴人哭地移路斷大震之後繼以微震向變西東狀成擺搖計每晝夜不下數次微震以十六日下七點鐘廿八日上五點鐘為甚此震之始至終經三月始止縣署汪知事承杰打死一女其妾壓折一股四鄉壓死男婦十餘牲畜五六十頭民房學校寺廟公署損壞者約五百餘間為華亭地震記中未有之大震災

十年辛酉春人多手足腫症夏牛疫 夏六月廿日新店鎮降雹傷蔴穀廿四日下關鎮烈風暴雨迅雷急電

兼電南北風合而成颶勢如排倒海數圍大樹連根拔
出雜色小樹橫腰折斷屋瓦隨風如飄樹葉 廿六日
大雨山原洪潦頃刻數尺溝澗河川沉波二丈田間麥
磊風捲泥埋平地田廬水冲濤蕩人畜漂沒禽獸淹斃
被災之民無計聊生遍野號哭慘不忍觀秋七八月又
連霖五十日 秋九月望日上二點鐘地微震十月二
日上五點鐘地微震窓戶作聲二十四日下七點鐘地
微震南區下關鎮樺嶺殿灣地下陷二尺餘十二月十
日下五點鐘地微震均屋瓦有聲山雉亂鳴 冬十二
月廿七日隴縣居民紛紛傳送小餅到華大如銀圓囑

得者復治遞傳縣民效之刻不稍緩一日數百里快似郵電正不知造端者之用意安在

十一年壬戌春正月十三日上十二點鐘地微震三月廿九日上十二點鐘地微震 又痘醫李桂芳至馬蘭渠夏氏婦烹雞蛋餉之破蛋釜中青黃滾滾中復現出一小雞蛋取出破之其中青黃與大者無異問之老人皆曰雞蛋產鉄蛋人恒見之蛋中有蛋則未之聞也 夏五月廿二日新店鎮韓家河山寨等處降雹如拳麥穀為虛 是月又大旱斗麥市錢四千 六月廿四日武村堡吳家堡高山堡等處大雨平地水深丈餘灌入民家

房幾被淹沿河兩岸川地剝沒不下千畝 秋九月三十日上二點鐘地微震十秒房戶窻櫺咯咯發響 十二年癸亥夏六月廿五日下八點鐘地微震十月廿三日下十二點鐘地微震四秒房屋發聲山雉齊鳴 十三年甲子春三月十九日下十二點鐘地震十秒寢者驚醒夏六月廿一日上一點鐘地微震三秒窻戶作聲 又夏秋大旱斗麥市錢一十五千 冬牛疫 十四年乙丑春牛疫十欄九空 十五年丙寅春夏大旱斗麥市錢七千 六月廿四日劉家店雹災秋七月二日武村堡吳家堡高山堡降雹

大如核桃穀麥盡傷

十六年丁卯春三月七日上七點鐘地微震十秒夏四月廿三日上七點鐘地大震二十五秒震象東西搖動樹木房屋如傾

十七年戊辰夏秋大旱冬季斗麥市錢三十千 又泉水涸河源竭 豬疫喉瘋

十八年己巳春夏大旱雜糧每斗市錢壹百二十千

又五月蛀蟲千萬連綴成穗幼虫色綠老虫色黑食豌豆幾盡 夏秋人多大頭瘟窩兜寒牛疫硬腿黃 又

泉水涸 又十七八年土匪百千成羣雜以變兵多有

槍彈攻城掠鎮焚殺姦淫搶劫扯票猖獗已極民團缺乏快槍窮於防衛忽有紅槍會黃槍會由東傳來金鐘軍鐵布衫開槍避彈隔力等法良民迫於自衛偷學習之初次擊匪間著奇效後遇知術悍匪輒用產婦或貓狗穢血塗污槍彈刀及其法竟破良民習之者反遭擊斃嗚呼痛哉古今邪術其不足恃可知矣

十九年庚午夏五月蛀蟲食豌豆一盡即稍留種子置囤中亦皮内生蟲

二十年辛未夏六月十一日尚武村大雨街衢水深五六尺民家盡成澤國 秋八月城內南街柳樹林家產

雙頭牛一隻

二十一年壬申春夏大旱麥收無種斗麥市錢二十千
六月一日紅山鎮南川南嶺降雹厚五六寸麥禾一空
泉水涸河源竭 二十六日瘟疫大作多轉腿霍亂吐
瀉黑水等症有謂係日本倭寇賄買漢奸置毒所致謠
傳井中俱下毒藥相戒不敢汲水瓜果食物皆不敢買
用為數十年來之大駭異事迄至八月三十日城鎮疫
死之人已逾三千餘名雖然客多於土實為古今罕見
之浩劫

二十二年癸酉春牛疫夏人多喉痺麻疹 四月八日

大風雪 二十五日大雪隴山積厚盈尺天寒如冬越
日始消

夏五六月區鎮狼食小孩三四十名 又六月念秋七
月朔發現慢性霍亂症喉症電傷九鎮秋禾山洪泛漲淹
沒田苗壓斃人畜紅山硯峽柴坵三鎮電如雞卵降厚
尺餘屋瓦盡碎山川草木色如冬景

增修華亭縣志

第七編大事志

寇戎兵事也凶事也小之則破壞地方大之則擾亂國家華亭自秦朝那肇縣所遭寇戎之禍不知幾十百次惜唐肅宗以前代宗以後迄明正德十年及清乾隆以後同治以前皆無可考茲據可考者錄之斷自民國二十二年癸酉春止至以後寇戎深望後世修志之君子補焉

唐至德元年吐蕃劫掠人畜

肅宗至德元年吐蕃入縣北

大震闕劫掠人畜甚多

唐大曆八年吐蕃竄擾縣境

代宗大曆八年吐蕃入朝那寇

華亭縣志

卷三

大事志

十二

涇邠郭子儀命部將渾瑊率精騎五千追擊之吐蕃南走支磨原西經赤城深峪繞華亭白草川越隴山西去

明正德十年乙亥民殲套寇

夏四月套寇入境大肆劫掠

民皆曲靡為弓削竹為箭匿林越射殺傷甚眾寇稱華亭為木弓縣不可輕犯民族自衛之精神於此可見

崇禎四年辛未流賊一陷華亭

春二月流賊可天飛獨行

狼橫天猴混天飛劉五等各率眾萬餘由三原分犯慶甯環縣未幾聚攻平涼混天猴詐稱官兵間破華城殺掠一空西走莊浪

五年壬申流賊二陷華亭

秋八月流賊楊老柴紅軍友率

衆萬餘復陷華城大肆焚掠越山西去

七年甲戌流賊三陷華亭

秋七月流賊千餘突至攻城陷

之焚殺姦掠慘無人道

康熙十四年乙卯郝天祥竊據華亭

春三月平涼提督王

輔臣叛通吳三桂遣副將郝天祥竊據華亭藉通南北聲
息將軍阿密達調山西兵至輔臣涇崇叛兵麇集華亭搜
掠備至

乾隆五十九年甲寅馬如虎叛變伏誅

秋八月固原逆回

馬如虎據靜寧石峯堡倡亂華亭西北回匪應之燒山寨
新店柴坻諸鎮社倉民房殺人十數知縣海柱嚴備守禦

華亭縣志

卷三

大事志

十三

賊不敢犯甘督福康安遣兵申討捉誅逆首餘黨逃匿山
谷民團搜捕殺斃數百

同治元年壬戌窰鎮回匪相繼叛變

咸豐末年陝回倡亂

甘回馬化澄應之是年秋八月固關回民叛變知縣大募
民捐招槍手百六十名請營兵三百並集民團以資防禦
冬十月望窰鎮回民聚衆又變十一月胡縣城民團往勦
戰於窰頭嶺民團大敗死傷百餘回匪移聚深峪河

二年癸亥民團擊匪王家山敗歿

春二月深峪河高山堡

回匪謀攻縣城都司陳得勝廩生潘家修率兵圍禦之激
戰王家山敗北陣亡死傷兵團三百餘名秋八月二十二

日復來攻城圍九晝夜不克退去

冬十月把總顏永福擊匪陣亡 攻陷平涼回匪遣別股來

擾華亭月之二十三日把總顏永福汎兵郭典何遇隆率

兵圍拒於硯峽嶺皆戰死

十一月陝回入境焚殺極慘 初土回叛變尚愛鄉土不甚

殘毒及陝回入境無所顧惜焚殺慘於土回十倍華亭從

此坵墟

三年甲子兵匪交殘 春三月陶軍門十三營援華全無紀

律回匪雖退走固原而兵害則甚烈時人有賊梳兵篋之譏

冬十二月回匪突劫窰鎮 是月二十五日平涼叛回千餘

華亭縣志

卷三

大事志

十四

忽劫窰鎮一空

五年丙寅回匪攻城不克 夏四月固原叛回千餘北來駐

紮新店鎮屢攻縣城防守極危五月安肅道蔣凝學奉檄

由秦州來援立營西關賊夜來劫傷兵甚多城卒賴以不陷

六月軍門譚玉龍驅陝西叛回入華 陝回楊文治馬士彥

率眾萬餘被譚玉龍大軍追擊由隴州竄駐華亭上下關

深峪河安口窰回匪應之聞譚軍復至傾巢出抗譚軍哨

弁方得元率兵奮勇陷陣手刃數賊中矛陣亡統領李厚

基揮軍血戰克復上下關燬賊巢十餘所匪退仙姑山會

譚軍忽奉檄回駐隴州賊遂盤踞不去

秋七月回匪倚山結為連營

陝甘總督楊岳斌令彭忠國

率兵援華與回匪戰於張家原統領傅元宗受創王得勝繼進奮擊賊股退屯焦韓集與仙姑山賊結為連營倚山據險延長七十八里號十八大營聲勢甚重

七月望回匪被圍受困

時陝西譚玉龍軍扼其東甘肅雷

正綰蔣凝學張在山軍扼其北陳德隆軍扼其西南彭楚漢李助發軍扼其南王得勝軍扼其西四面圍困賊糧日乏會張在山軍營於西關屢被賊劫互有殺傷後李助發襲賊於黃崖堡劉家店王得勝襲賊於白岩河破賊壘四十餘所殺賊千數王軍千總林富慶都司田子貴俱戰死

華亭縣志

卷三

大事志

十五

八月饑回突圍張軍喪師

時仙姑山回匪饑急廿晚潰圍

北遁婦女老弱居中精壯前衝後殿張在山軍追擊至山寨木頭嶺遇伏大敗總兵杜連陞副將范清之遊擊魏金明等皆戰死弁兵三營陣亡幾盡賊大股數萬北竄董志原小股千餘西竄秦安隴城擾百花川遇李耀南軍襲擊餘匪復竄隴州華民驚懼未敢家居

六年丁卯回匪陷城

夏四月七日夜回匪千餘由固原北

來潛伏柴坵溝拉民夫抬雲梯四更自北城攻入知縣張衍福全家典史哈慶雲死難民圍巷戰不勝死傷百餘城中焚掠一空初九日匪飽載北走固原

七年戊辰遺民據險自保

春夏二季回匪北來攻城四次

鄉鎮民屋焚殺殆盡遺民數百悉逃蓮花台據險自保賴團總張士楷約束布置回匪屢攻不克飢甚則結隊潛出掠取匪糧苟全生命

九年庚午匪平招安遺民

春二月知縣蔣順達蒞任傳諭

招安逃民始慶生還斯時土住歸居城闕者僅七十餘人總計是亂前後十年城堡屢陷田荒糧盡四境人煙完全斷絕川原熟地變成茂林男女老幼死亡數萬為流賊後罕有之浩劫

宣統三年辛亥土匪乘變

秋九月陝西張鳳翹起義華亭

華亭縣志

卷三

大事志

十六

土匪乘勢焚劫學紳尚政治潘達觀莊居敬張樹勳陳武英劉秉鈞楊漢仁劉煨基石殿壘幸順祥韓勤陞倡辦五區民團捉殺匪首十餘城鄉始靖

冬十月革命軍師次下關鎮

是月既望革軍齊得功率騎

兵一營由隴州進窺華亭師次下關固原提督張行志令劉馬俞率步兵六營來援時固關革命軍為崔正午軍襲敗齊騎兵退回隴州劉馬俞三統領追擊之

民國三年甲寅白狼之驚

白狼安係吳祿貞舊部時人以

其行速目之為狼夏四月朔率眾萬餘自豫入陝攻破隴州嚮道至深峪河安口窰隴東護軍使張行志令劉俞禹馬

步六營來防白匪由圍關進攻天水華民逃者乃返

四年乙卯匪盡民變

反正後財政困難秋八月部令各縣

改統捐局為百貨徵收局又增鹽茶菸酒印花土藥屠宰等稅地丁正銀一兩附加七錢二分前清之紅白契約在民國元年曾經徵信局印稅者復令勘驗納稅佃當契約亦令印稅華民罔知國是怨言蜂起莠民蔡映武郝生茂唐得榮張生華劉發財鄧黃毛等乘機造雞毛傳帖盡眾數千於八月八日圍城抗款捷百貨菸酒鹽茶土藥等局並妄疑驗契稅及附加糧銀為紳士知事所捏造焚燬紳士房屋搶劫人民財物聚議三次謀反不成數日皆散九

華亭縣志

卷

三

大事志

十七

十月省道連派秘查盡得真象知事陳澤藩以辦理不善釀禍革職並令李崔二營駐華查辦善後愚民駭於聲威皆願認納增加稅款賠償局紳損失匪首蔡映武郝生茂拿供槍斃唐得榮等處以無期徒刑其餘脅從均分別輕重處罰事乃休息

七年戊午滇軍葉荃之驚

秋九月廣東軍政府令滇軍司

令葉荃率二萬人由川窺甘攻天水未下又奉令援陝東克隴縣華亭震驚隴東鎮守使陸洪濤令吳李常黃馬步二千人來華駐防上下關隴縣防軍司令李棟材請援甘軍允之進駐平頭原與隴軍合擊葉軍於南原敗還隴縣

失守未幾葉軍置官隴縣移軍東攻鳳翔華亭始安

八年丁未馬巴巴子之擾 冬十二月漳川土匪馬巴巴子

結夥百餘搶清水上六甲魏姓欲攻漳川城未果退屯平

安子謀劫華亭進至唐家河陸鎮守使令張魏二營步兵

駐防上下關匪乃西走水洛城被民團圍困力盡自殺

九年庚申催辦糧台防禦滇軍 春三月滇軍葉荃與盧占

奎郭堅結合圖謀隴東陸鎮守使令華亭厚積軍糧移大

兵駐防

十二癸亥年土匪張耀亭禍華 本地匪首張耀亭民國十一年

搶硯峽鎮被擒繫獄越監逃走是年秋八月朔聚眾百餘

華亭縣志

卷三

大事志

十八

搶新窰鎮火燒寨巢景福樓房二山謀劫上下關梁營長

騎兵駐防上關縱賭疎汎縣長原志堅慮之派李興魁率

警團二十名星夜協防張匪不知是夜傾巢突劫梁營潰

散喪馬六匹失槍四枝團勇藍玉順陣亡李團依桃花山

擊走張匪商民秋毫無損然匪仍盤踞樓房山復謀劫下

關賴幸團長國麟率團隊數百星夜嚴防未敢輕犯初八

日隴東鎮守使張兆鉞令劉福生賈有福二營來援初九

日劉軍與下關幸團合力勦擊攻入匪巢斃匪數十餘匪

由曹家灣南竄鐵佛寺

十四年乙丑汧陽股匪摧殘上關

秋八月望匪首蔣成林

馬進祥率眾盈千劫赤城新窰深峪河由下關進踞上關以道士趙高慧為引線扯票拷掠無惡不作十六日張鎮守使令閔張李景受馬步五營來援匪始由三角城西窰至野狐嘴遇伏受創駐清水平安子隴南鎮守使孔繁錦以防軍圍攻脅降收其槍械改編正兵遣散隨從

九月朔富家坪土匪擾害三縣

隴縣吳李二匪聚眾二百

巢富家坪植殺人椿解剖場在崇華隴三縣搶劫扯票得票則置之上坐焚香化黃群聚禮拜乞賜大福呼活財神無錢則拷撻炮烙五毒備至限期抽贖越限則剝肉解尸謂之燬票是以近匪居民均紛紛逃避畏甚閻羅

冬十月三縣民團勦滅富家坪土匪

是月二十四日下關

團長辛國霖與團副李錦曦秘謀聯合峽口團長王振基深峪河團長韓生枝令峽口王團埋伏清涼山南令火燒寨民團扼匪東出之口令深峪河韓團與下關李團據匪巢北山用大礮轟擊幸團長自帶武村堡團高山堡高洪成團吳家堡魯正團圍繞紅崖灣西下襲攻匪巢之背以遏匪西窰景福山龍門洞之路謀定是晚二更開隊四更齊集東岳廟發布口令二十五日黎明分股進攻匪勢不支窰走無路追入東峽殺斃四十七名民團無傷餘黨受火燒寨民團礮擊不得東出南望清涼山寂無聲息由車

頭坡西上向該山南竄峽口王團埋伏齊發殲匪七八十名飛崖觸石而死者十餘殘匪數十逃底渠堡張鎮守使令何閔二營圍攻盡殲滅之

十五年丙寅土匪王鶴來華扯票

夏四月望吳山匪首王

鶴卒衆百餘踞景福山是晚命其黨將高山堡甲長梁陞元扯票因死盡劫其家財牲畜民團追之不及

六月十二日吳山土匪攻城劫闕

是日黎明吳山匪首王

樹堂馮占彪董占魁王鶴等率衆三百六十餘人來劫華亭董匪聞東門不開王匪樹堂緣北城爬上警兵彈傷其股墜落城下城始不陷僅劫其東關盤踞鄧家塬謀再攻

華亭縣志

卷三

大事志

二十

縣城尚政治同鎮署副官龐觀瀛請張鎮守使派石寶山帶馬步三營星夜來剿匪聞知仍退據龍門景福二山張使又命副官送火藥六箱以資縣城防禦未幾匪冒龐東軍官扯去十二堡富紳禹建功又劫馬峽鎮將富紳李國棟扯票匪被警團先後捕殺者共十餘人農商損失財物約五六萬元牲畜約六七百頭男女老幼冒雨避匿溝渠不敢家居者約數十夜其被匪之苦况華民於同治回亂後又親嘗之矣

秋七月朔張孔二軍龍門洞攻匪敗績

時龍門景福之匪

盤踞不去張鎮守使令禹馬保安騎兵二營閔軍步兵一

營隴南孔鎮守使令張海峯步兵二營雙方合勦張營長兵至王家灣遇伏受創吳連長戰死士兵先後二戰陣亡五人負傷九人隴東閱營觀望不戰致匪勝後安遁

七月廿隴東張鎮守使敗走之經過 是年春張兆鉅奉吳

佩孚令與固原韓有祿軍省防黃得貴軍聯合攻蘭州劉指揮先勝後敗保安回兵內變平涼失守張黃二軍陸續退屯窰鎮其弟張兆錫軍亦由會甯退屯華城孫司令良誠率革命軍進駐平涼令甘涼騎兵團長馬進福步兵旅長梁冠英劉崇儉率隊來攻張軍不支俱以次退走下關深峪赤城隴縣汧陽等處兩軍在豐山白岩大橋雖小有

華亭縣志

卷三

大事志

三

衝突華民僅供支糧秣夫馬無大損失

九月二十五日槍斃道士趙高慧 縣長王玉堂莅任查得

龍門洞道士趙高慧歷年通匪說票索謝分肥被捕槍決以絕引線人心大快

冬十月望王縣長冒險勦匪 漳川大馬池土匪盤踞蓮花

台謀搶華亭縣長王玉堂為民冒險率團親勦爬冰卧雪擊走之

十一月三日攻克景福山匪巢 王縣長慮該山土匪為患

同騎兵團長閻學聖帶隊攻混元頂老巢匪三百餘人居高抗戰官軍由北泉仰攻其背東攻其腹血戰破之斃匪

百餘焚其寺巢餘均飛崖逃遁救出被扯禹建功等數十人
騎兵排長馬學仁陣亡負傷兵士數名閻營長亦因勞致疾
十六年丁卯王縣長親擊富家坪劉家店土匪 是年春正

月望富家坪又聚土匪一股眾約百餘王縣長親率騎兵
團及下關民團擊走之夏六月望劉家店又聚土匪百餘
謀劫山寨馬峽二鎮王縣長令總團長徐杰召集西北各
鎮民團五百人親率至關擊走之並留警兵三棚駐劉家
店保護行旅

秋七月望民團擊龍門洞土匪大敗

龍門洞庄房土匪百

餘均富有槍彈係吳山移來精壯圖謀華亭者居高依林

華亭縣志

卷三

大事志

二十二

勦之最難王縣長於月之十二日令團長徐杰率上下關
民團五百人往勦匪匿高林拒戰民團以下攻上以明攻
暗未及見人而徐杰已右腿中彈上關團頭張八洋張統
陣亡下關民團排長富春魁陣亡團勇樊三成劉九成蹇
成連等六人負傷各團潰敗土匪乘勝來攻縣長聞驚立
命一高校長幸國麟為警團總指揮堵禦之並發給受傷
陣亡人等埋墓養傷費以撫恤之

八月望黃部變兵小李兒之經過

小李兒率馬步二百餘

人東來由下關移駐上關並未搶劫屯數日南投吳山王
佑邦

九月望香泉土匪搶劫安口窰

香泉匪首常有益率眾百

餘於是月十五日夜移駐景福山無知之者十六日黎明由駱駝巷突至安口窰搶劫一空並扯去富紳石殿壘梁俊升等數十人各索數千元始陸續放回合計損失不下七八萬元是役該鎮團勇靳生祿等擊斃匪要數人並獲其黃色匪旗

九月廿日縣城援兵叛變

窰鎮既遭匪劫縣城異惶懼陳

營長奉命來援兵駐城內文廟是夜一排忽變荷槍越城南走雖未搶劫城鎮官民飽受驚恐

冬十二月香泉土匪謀劫縣城

匪首常有益率眾七百餘

華亭縣志

卷三

大事志

二十三

人分股北來謀劫華亭探得縣長葉超調有防軍乃改道西劫漳川水洛二城僅搶其外關未得大遂所欲而北山山門張棉驛焦韓集等處則受傷尤甚及歸自主山鎮西來欲掩劫華亭於不意時孫旅長玉田礮隊又到匪探悉欲緣山南走葉縣長探知會商孫軍徐團於十九日晡率隊出伏二十日黎明迎擊常匪於庫陀裡鏖戰八點鐘匪始潰走奪獲牲畜三十七頭備匪數十軍團完全無傷潰匪緣鐵馬河竄入老巢是役也科長李沛稽查田正旗段占元均有力焉

十七年戊辰春兩縣民團勦匪作劇

正月廿四日崇信深

峪河民團聯合華亭安口窰民團勦唐帽山土匪張老五窰團與匪相持野戰勢幾不支演成敗象河團潛入匪巢獲其財物不戰而遁致窰鎮團頭曹安成團勇趙懷西陣亡議者咸斥河團之詭

閏二月朔楊匪一劫西北諸鎮

楊斗福綽號楊老二結聯導河叛匪衆共百餘槍馬俱備緣主山鎮東來山寨馬峽二鎮民團拒戰不勝團勇死傷一十二名匪僅死傷一人民氣瓦解兩鎮牲畜財物被劫一空猶盤踞紅崖山山四出搶掠新店柴坵十二堡等鎮無不被其蹂躪縣城大集警團勦匪聞之飽囊向白岩河遁去

華亭縣志

卷三

大事志

二十四

夏五月楊匪盤劫窰鎮

楊斗福李春東竄靈台勾結鳳翔党拐子變兵張營長衆共七八百人於是月二十三日突駐窰鎮搶劫拷索掘地挖壁無惡不作窰鎮元氣從此耗盡

五月廿四日山寨鎮團匪交關

當楊匪盤踞窰鎮之時十

二堡匪首禹秀全馬新春禹萬財等謀劫山寨然後東應山寨向團長探知極力防禦是日匪來矛槩血戰匪不能敵大敗退回斃匪六七十名窮追數十里直至匪巢不退斯時團飢疲甚餼糧不至匪數百傾巢出向團長陣亡追殺團勇陳懷賓王占福胡文漢馬漢儒張海福王品賢等六名並誤殺麥廠苦工數十屍橫遍野山寨街房多被焚

燬翌年經馬峽鎮紳李國棟呈請始迎上陣亡團長團勇
木主人忠烈祠從祀

二十六日双股土匪合圍縣城 楊匪既劫窰鎮復串十二

堡與山寨交關土匪數百來踞龐家磨索支糧秣以壯聲
勢已乃率窰匪西上在宮山北山皇甫山東西關外徧插
旂幟作合圍攻城之計葉縣長與團長徐杰以靜制動嚴
整守備彈不妄發匪衆千餘合圍三晝夜不敢近攻加以
東關回民李占春稽正德之排解匪竟解圍東走白家溝
城關無損

六月八日王團長援華人民悞驚 騎兵團長王國賢本郊

華亭縣志 卷三 大事志 二十五

乾鎮守使田金凱屬部奉令援華倉卒未報上午師次安
口窰民皆疑懼盡逃午後師次東關全城驚懼閉門嚴守
遞函始開城歡迎翌日回匪圍攻平涼王團長奉調赴援

秋七月三日警團合鞬山口子土匪大捷 平涼山口子土

匪百餘竇王馬店大岔河擺大爺餘黨謀搶硯峽鎮該地
民團不能抵禦至縣請援葉縣長令徐杰帶警團四十名
並徵窰鎮柴坻硯峽民團三百人協鞬匪由韓家河退至
王馬店警團追擊不舍斃匪三十八名斬首二名斷臂二
名奪獲匪馬一匹牛八頭羊二十隻僅硯峽團勇陳德全
一人中彈陣亡實警團鞬匪一年來未有之勝利

七月廿日楊匪二劫西北諸鎮

楊斗福欲收同事張營長

槍彈在崖子裡衝突從此分離獨率五六百人持雜槍百餘枝緣下上關王天龍眼諸鎮駐宿馬峽擊散民團搜掘窖藏無微不至二十一日因匪黨二人搜索民物落後指派騎隊數十名衝至仙姑山街將鎮紳潘上達焦桐德等九家房舍焚燬龍眼居民全避縣城二十二日匪劫馬峽牲畜馱運民糧八十二堡二十三日繞山寨鎮竄化平縣七月廿四日漳川土匪被殲下關漳川土匪馬元馬全率衆二百餘名移駐下關廿五日早隴縣甄士仁軍一連由白岩嶺來掩其不意斃匪四十八名獲其輜重而去下關

華亭縣志

卷三

大事志

二十六

密鎮民團合攻潰匪殺斃四人奪獲刀矛數件餘匪東竄赤城

八月一日楊匪乘隙謀間縣城

楊斗福在化平偽降間得

安師長軍服數百套先令騎兵二百名來華駐關索支糧秣陽言駐防擊匪以表投降之誠陰實探查甄軍下關擊斃該黨親友之數並欲乘間伺劫縣城警團雖極力防備若非縣長張文泉窺破詭謀急令退去城中必致破壞

冬十月望下關民團捉誅內匪

下關保衛團長羅文魁團

副幸育德張禎祥甲長梁雲漢稽查江映昌王振綱捕得本地連年行劫匪首黃老九孟老五何老三梟首示衆以

清內患事聞上嘉獎之

十一月二日下關民團追匪受挫

深峪河是日來匪六七

十名全荷快槍從景溝嶺間道西行沿途搶掠民家窰鎮南嶺團副吳洪韜追擊至來往山匪反攻團勇陣亡一名負傷二名下關團副李錦曦追擊至樺嶺山匪反攻團勇陣亡二名負傷七名得武村堡民團援救始免全歿高山堡團副張禎祥追擊至跑牛山匪反攻團勇陣亡一名先後斃匪二名奪獲快槍四枝繳縣

十一月十二日馬峽團甲悞認軍官為匪

馬峽鎮團副曹

諒劉家店甲長馬耀悞認省派招降楊斗福崔參軍為匪

華亭縣志

卷三

大事志

二十七

崔亦盛氣相尚竟致矛斃隨從曹馬撤職處以徒刑

十二月楊匪焚屠上關

楊斗福八月在化平降而復叛歷

擾固原隆靜秦莊各縣至是月屯駐清水漳川二十日移駐馬麓坡謀襲隴縣被警團擊阻不能得志又移駐鐵馬河該地團長苟文浩戰敗被執慘死復謀據上關進窺華亭二十六日張縣長令上關團長王克敏等據險防禦以待援兵廿七八日團匪肉搏血戰王家河楊家溝往來衝突相持兩晝夜望援不至團長王克敏團副王克治書記王善述團勇王善政薛自義力盡矛折被圍死難上關遂陷闕民被害者六十八人學校房屋被焚者八十七間匪

恨關民抗阻有悞襲華機宜殺人薙草喋血飲馬殘酷為各鎮匪禍所未有

廿九日保安隊長陳書元及正目張進福援關陣亡 縣城

保安隊長陳書元保衛團長徐杰廿八日率團隊四十名往援夜駐王家山候馬峽王天龍眼下關徵團不至廿九日早遠望上關煙光蔽天難民載道忠義奮發孤軍衝擊與匪血戰安家山斃匪數十卒以寡不敵衆力盡彈竭被圍陣亡其正目張進福被執惡罵不屈斷舌慘死護兵楊遇魁因救護陳隊長奮不顧身同時陣亡以下兵團死者甚衆損失槍彈亦多下關民團三百先後不齊行至坡坎山

華亭縣志

卷三

大事志

二十八

遇匪激戰數小時亦敗還餘團無援救者三十日楊匪乘勝進駐下關致函張縣長駭索銀洋二萬圓是日午後平涼趙團長率騎兵三營來援匪聞之星夜東竄赤城騎兵尾追至橫渠擊走之

十八年己巳春正月廿日李鬚匪突遇官兵 固原李鬚匪率衆百餘由頁嶺子韓家河出黑溝欲襲窰鎮忽遇王團長率隊自土谷峪出鬚匪倉皇遠遁官兵至窰抄羸匪班金昌家巡行華亭化平而還平涼

春二月騎兵途變之擾 二月七日西甯馬麒東開騎兵行至永壽途變二營由靈台赤城西上宿深峪河北竄窰鎮

懼團伏擊不敢入街緣川西行掠武村堡吳家堡朱家坡青林觀什字路財物牲畜宰食耕牛繞王天鎮馬峽鎮劉家店西去

冬十一月望變兵為匪擾害崇華

平涼行營連長關樹嶺

原係土匪收編十一月朔盡隊一排叛變竄駐崇信新窰鎮搶劫扯票二縣震驚望八日秘布內應謀攻崇信未克退駐柳家河廿一日移駐龍門洞庄房有大小快槍三十枝子彈充足脅從日衆謀攻華亭張文泉縣長令李嗣璟梁奉璋徐占勝三隊長率武裝警察三十名屯防王家山又令龍眼鎮團長李維嶽率馬峽山寨王天等鎮民團

進駐上關廿四日匪首率隊來攻上關防地警團探知設伏馬灣夾擊生擒匪黨二名到縣槍斃匪敗退原地廿五日早民團攻克庄房斃匪五人匪敗退景福山民團伍長鄧復旦陣亡團勇受傷四名李團長見雪林密以下攻上不便仍退屯上關廿九日匪懼團攻復東竄深峪河民團追駐下關匪退屯紀家河韓興福庄三十日早警隊未集李團長奮勇率隊持短兵猛攻匪依山登屋閉門放彈射擊陣亡我華民團教練融會通書記張世宗排長雷太福潘生傑伍長王覲光團勇陳有福陳進元羅興發張效巡等十名民團肉搏斃匪六名傷匪四名殘匪見民團愈集

愈眾且能持短兵舍死激戰夤夜潰奔靈台良原十二月九日追悼陣亡英靈於城隍廟送木主人忠烈祠從祀十九年庚午夏四月土匪馬順焚殺新店鎮是年四月七日土匪馬順率眾百餘由韓家河竄入柴坻鎮扯得紳士賀家修沿北山西入新店鎮扯得紳士陳自新盤踞不去該鎮民團團總陳啟貴招集民團與匪激戰大敗陣亡團丁章進財王善仁王善教劉啟發鄧財金潘得時曹生富等七人匪乘勝劫搶民家財物牲畜焚燒楊家大庄房屋糧食一空而去後因肉粟無洋贖取斃賀紳於化平白岩河斃陳紳於靜甯水洛城

夏四月廿七日陝匪石之得攻城陷之

陝匪石之得四月

朔即有犯華之計已秘遣其黨糴難民携手槍來城潛住時東北城牆崩塌數丈正募工修築匪黨乘機應募作工並秘買守城保安隊內應又置舊縣長張文泉卸任赴平新縣長黃作輔初到城防懈弛未整匪知事機成熟即於月之廿六日由隴縣派隊六百緣上關王家溝繞陳家河珍珠廟越宮山渡南河來攻縣城四更蟻聚城下城內應募土匪竟於東北缺口吊入外匪舉槍內擊四城保安隊及警士均一槍不發完全繳械黃縣長被執廿七日早城陷於匪舉張縣長籌款所購造之快槍百餘枝炸彈數百

枚盡資匪用城內公私損失合計不下叁拾餘萬元將前清同治亂後六七十年之元氣一旦盡喪石匪且盤踞縣勒逼黃縣長向各鎮派洋六千元限日收交僅收得大洋壹千陸百元舊張縣長在平聞驚致黃司令得貴假函言將申討石匪閱懼於五月四日倉皇遁走隴縣

五月望縣城設立保衛常備團

石匪遁後小匪蜂起城關綁票官民遁跡黃縣長特開會議主辦常備團暫資鎮攝以匪派未携之款洋四千四百元移作辦團經費委李維嶽充全縣團總辦團四十五日收用款洋壹千貳百元各鎮民團尚未成立復會議委辛

華亭縣志

卷三

大事志

三十一

邦隆督辦東南二區民團委李興魁李占春督辦東關北區民團成效大著小匪自是斂迹

五月廿陝西股匪盤踞上關南境馬家堡

陝匪石之得遁

走隴縣疑慮平涼駐軍申討特遣一隊駐上關馬家堡肆行劫掠並探有無攻隴消息東南二區民團成立始行撤退

六月朔紅山鎮保衛團總陳世忠擊斷萬山土匪馬鳴鹿敗績

馬鳴鹿本平涼紅土窰人受導河股匪煽惑野心勃發掠馬搜槍聚眾害民出沒斷萬山謀據紅山鎮進窺華亭城該鎮保衛團總陳世忠率警團由山下仰攻匪據高樾林用快槍射擊警團敗退

閏六月朔縣城常備團改編獨立營

平涼駐防國民軍暫

編第一旅旅長陳珪璋見隴東小匪集成大股以民團力單難制申令派副官楊維楷監改常備團為獨立營歸第四團團長楊生海直轄限六月一日成營委幸邦隆為營長李維嶽為營附兼騎兵連連長顏昌盛徐杰張萬鈞為步兵第一二三連連長張書紳為軍需長並令黃縣長就地特籌大洋叁千元購買槍彈馬匹款碍匪擾未籌會議暫行借貸維持治安

閏六月十日馬匪鳴鹿聚眾盤踞紅山鎮

土匪馬鳴鹿自

與陳世忠警團作戰後到處搶掠槍枝馬匹匝月即聚眾

華亭縣志

卷三

大事志

三十三

八百餘名掠得民馬三百餘匹復由赤城東來盤踞紅山鎮陽受平涼陳旅招撫以緩其攻陰圖破壞隴東大局以伸其志張上峯逼支粮秣假輸誠詐領軍裝與隴南時有秘謀獨立營識破機關呈請合平華崇軍團乘勢未養成一鼓殲滅以除後患上峯不聽平華是年從此多事

七月廿八日尚武村保衛團與馬匪鳴鹿激戰先勝後敗

馬鳴鹿謀攻縣城獨立營防禦綦嚴碍難即逞尚武村民團防地有幸營長住室馬匪連日派隊向該村尋釁始以索糧為名繼以掠馬挑戰七月廿八日早已開戰端獨立營聞報派隊與民團夾擊於崔家塬匪騎百餘遁走幸營

長預料匪必增隊反攻令民團隨援兵速退縣城暫避其鋒民團卒以黎明戰至午後未用早饑飢疲待食難即如令幸營長恐匪由東峽潛圖縣城先歸布防匪於是日午後率全部自馬蓮渠尚武川西上包圍該村民團於土溝灣血戰三小時陣亡團勇朱倉章與和鞏裁成楊取義四名土匪被團勇截死六名卒以衆寡不敵執去團勇一十八名團總幸育德因槍炸力竭亦被執

八月六日馬匪鳴鹿自稱團長率全部攻縣城不克退駐原地馬匪鳴鹿自尚武村挑戰後聚衆盈千趕造雲梯八架颺言攻崇信隴縣實則謀攻華亭幸營長探得實情前

五日即令一三連長顏長勝張萬鈞專任東城防務二四連長幸育才基發榮專任西城防務騎兵連長李維嶽專任北城防務城內民團團總韋長俊專任南城防務營部官佐護兵專任四城遊擊運石設礮不准擅離洗牆懸木籌防益固馬匪全部於八月五日夜三更迫城並脅九龍鎮民團數十人為先驅假助防守城之名聞叫西門幸營長以硯峽龍眼王天民團奉調不至九龍民團複雜未調夜來必有姦計囑勿開城門急令全營登城實彈懸燈垛外密防匪攻西關民團登時不見馬匪步騎已充滿東西關北城之外匪攻兵擊自子至午槍礮震天三城外共擊

斃土匪一十三名擊斃馬二匹偽石營長亦受重傷城上
兵團未傷一人東門雖燒卒令兵團運土石壅塞未能得
入欲燒西門城上礮石槍擊匪避莫敢近又於三城門內
掘戰壕置水缸安礮位伏兵士以防穿洞馬匪計窮恐夜
被襲擊日昃退走紅山鎮

八月八日隴縣駐軍馮彥邦率騎兵一團進逼下關尚武村馬
匪鳴鹿北竄新店鎮 八月七日馬匪遊騎索糧下關鎮突

遇馮彥邦騎兵團北來奪去遊騎馬匹八日馮團又進逼
尚武村馬匪恐獨立營與馮彥邦夾擊將所執尚武村團
總團勇完全釋放魚夜北竄新店鎮

華亭縣志

卷三

大事志

三十四

八月十二日獨立營奉令夾擊竄駐新店鎮土匪馬鳴鹿

駐平一旅四團楊團長於八月十一日秘令營兵翌早由
縣城北進團部亦派隊由月明溝南進雙方夾擊新店鎮
土匪馬鳴鹿馬匪探覺退走化平白岩河

八月馬匪鳴鹿與化平駐匪吳發榮結合謀反攻華亭 時

吳匪發榮有衆千餘盤踞平化與惠彥青匪股結合謀攻
平涼馬鳴鹿北竄化平亦與吳匪結合謀先攻華亭後攻
平涼駐平第四團楊團長令李應藍何國儒二營由四拾
里鋪移華助防令辛營長邦隆充三營總指揮城防日固
匪不敢攻後十月馬匪叛吳謀據化平被吳匪擊斃化平

城上其部下多被平涼警衛團收編

九月朔隴東隴南兩軍協攻化平吳馬各匪之變局 隴東

陳珪璋與隴南馬廷賢隴西魯大昌隴北黃得貴先曾結合號稱聯軍斯時吳馬各匪在化平結合謀攻平涼陳調隴南軍至化平協剿馬廷賢令固關駐軍馬榮全南進約指防地原在十二堡白岩河馬旅行至劉店馬峽不進吳馬二匪乃秘派代表通款聯合進援隴東之馬旅竟忽變而有破壞隴東之意向以次移駐龐家磨及東關一帶將華亭縣城包圍日夜放哨皇甫山宮山等處索糧尋釁間城謀攻狡計百出擊斃我推糧晚歸李排長占標於西關

華亭縣志

卷三

大事志

三十五

獨立營靜以制動嚴密防禦槍不先發又空城匿馬示無所有決志死守以衛地方馬旅知志不可奪又碍救援名義攻城徒受惡名實際一無所得久之漸趨和緩迨至九月廿馬旅奉調撤回固關城防稍鬆

冬十月四日獨立營解決盤踞馬峽土匪王占彪 王占彪

平涼南原人入伍郭旅騙得快槍四枝招集遊匪搜羅土槍聚眾盈百扯票劫搶盤踞馬峽鎮暗與駐華何營長勾通獨立營不知墨幕以其猖獗害民先令李營附款說誘降繼於十月四日夜開全營包圍匪眾收其槍馬擒獲徒黨初五日審訊盡得贓情即將王占彪首要五人槍決脅

從周治西北居民稍安

十月六日獨立營奉令調平縮編

斯時中央委任陳珪璋

為隴東警備司令改編第四團為第五混成旅楊旅長申令調獨立營赴平縮編十月六日抵平十日點名揀選精壯百餘名歸連長顏長勝管帶撥入三團三營騎兵連撥歸騎兵團餘兵遣散歸農幸營長改委參謀主任李營附張軍需改委副官供職旅部未幾全旅開赴慶陽西峯鎮駐防

十月十二日平涼警衛團團長吳翰文率隊來華駐防

獨

立營遵令赴平改編何營長國儒在華無所忌憚任意拷

華亭縣志

卷三

大事志

三十六

搃並脅制李營長附已頻奉令調抗不受編陳司令於月之十二日令警衛團團長吳翰文率隊來華接防並促何營赴平違即實行解決李營長見機先拔何營長獨力難抗亦隨即開拔至平何國儒以抗令通匪搃民伏誅李營長罷免兵士均選壯改編

十一月朔陝匪楊畢張三部率眾萬餘之經擾

陝匪楊萬

青畢梅軒張應坤各部先均受麟遊甄師長士仁編制頗受約束後甄士仁被殺駐潼關西北行營主任楊虎城撥該三部歸李師長臨溪統轄楊部挾甄死之讐刺殺李臨溪楊主任令楊旅長渠統率隊申討該三部不支由隴縣

竄至華亭駐華警衛吳團嚴守縣城又出隊宮山迎擊楊旅尾追激戰於紅山鎮平涼陳司令又命一旅迎擊之三部連日飢凍前後不能兼顧乃由王馬店間道繞西北山緣化平北竄固原鎮原靜甯分紮楊渠統旅進駐息縣城數日始去

二十年辛未夏五月陝匪張應坤部攻破縣城縣長郭健武被害陝匪張應坤部於上年冬竄駐靜甯是年五月五日復率馬部千餘緣隆德化平北來先佔皇甫山用迫擊礮攻城燒燬東西門駐防警衛團步騎各連戰久彈盡無力抵禦開南門出走城遂陷調守縣城各鎮民團陣亡楊

得倉薛得壽馬玉麟等一百四十七名縣長郭健武以數馬馱剝奪民膏洋數千元欲出南門逃走未及匪已由南門湧入竟被害於東巷城內公私損失不下三萬元是役輿論皆以為係郭縣長貪殘慳暴之所致雖死不足以償其辜清議可畏於茲亦信

五月七日平涼陳司令命第一旅及警衛團夾攻陝匪張應坤陝匪張應坤以除害為名破城戕官盡得郭縣長所剝民膏知久留必受包圍復失所得乃去城南屯下關駐平陳司令派李彥和劉慶祥為正副指揮統馬步兵約二千人駐縣追剿又派一旅三團團長高紫嶽率隊由紅山

鎮進警衛三團團長吳翰文亦屬劉李指揮全部由縣城南進五月七日早夾擊張匪於下關惡戰至午奪獲匪迫擊礮一尊長槍數拾枝匪緣白岩子火燒寨退走隴縣鳳翔退時輜重在前精壯殿後極其整暇兩路攻兵均未窮追秋九月一旅三團駐防華亭

駐平警備司令陳珪璋於是年九月奉中央委令改為新編陸軍第十三師師長就職後即以第一旅旅長謝紹安所轄第三團團長高紫嶽部移駐縣城及紅山鎮劉店村三處以資防衛

冬十月朔新編陸軍第十七師旅長段象武率隊之經過

駐陝第十七師師長孫蔚如由中央委任甘肅宣慰使率

華亭縣志

卷三

大事志

三十八

師由邵長進孫命旅長段象武率隊由鳳隴經華亭進相約會師平涼是年十月八九兩日段旅長率隊經紅山鎮赴平黃團長率隊經縣城赴平軍紀嚴肅火食公買秋毫無犯

二十一年壬申春正月駐華一旅三團高紫嶽部東移涇川

駐平新編陸軍第十三師師長陳珪璋於二十年冬十一月隨孫宣慰使西征赴省是年正月十五日因抗命伏法駐平師部代行汪振鷺焚署遁走駐華一旅三團團長高紫嶽奉汪令援平未及退回原防恐受株連於月之十九日率全團自移涇川

三月山寨民團誅土匪馬順父子於馬峽 土匪馬順連年率眾劫搶焚殺華亭各鎮受害幾徧良民恨不生食其肉今春三月又假招兵名義盤踞馬峽煽眾謀亂山寨民團恐地方復受殘害不期而聚將該匪父子一並在馬峽捕誅縣民稱快

三月王子儀率陝軍一團經紅山鎮赴平

王子儀團本陝

西民團所編是年春三月奉甘肅宣慰使令調駐平涼於月之廿四日經過紅山鎮紀律嚴明

夏四月馬中喜匪隊竄駐馬峽

馬忠喜匪部三百餘人本盤

踞隴南馬廷賢殘部廷賢自隴南潰敗後該部由靜寧焦

華亭縣志

卷三

大事志

三十九

韓店竄駐馬峽居民大恐

四月望駐平警備司令楊渠統令警衛團團長吳翰文率隊駐

防華亭

吳翰文所率警衛團隊前屬新編陸軍第十

三師統轄今復歸楊司令管屬此時因馬忠喜匪部擾華於四月十一日奉令移駐華亭辦理剿撫馬部遂由崔虎臣接洽收編

五月朔馬榮華匪黨竄駐馬峽趙文智率隊益防華亭

馬

匪榮華有眾五六百名亦隴南馬廷賢潰敗殘部於五月三日由主山鎮竄駐馬峽城鄉民眾異常驚恐縣長張次房呈請益防駐平楊司令命趙文智率保安第一大隊

九百名益防華亭調前駐華警衛團劉營回平馬榮華於
月之初五日越山退走蓮花城六月廿五日趙隊移防涇川
六月廿六日第十七師特務營來華駐防 斯時廿局尚未

統一華亭地近隴山變兵土匪勾結潛伏搶劫扯票時有
所聞趙文智保安隊去後平涼楊司令即派任雲章率特
務第一營於六月廿六日來華駐防維持治安

六月終駐華特務第一營營副田錫疇第一連連長趙成三擊
匪陣亡於山塹 狡匪馬中喜前四月望降而復叛聚眾六

七百由固原南下盤踞主林寺六月廿五日聞趙隊移防
涇川乘間進駐山塹鎮殺害良民一十三人田營副錫疇

華亭縣志

卷三

大事志

四十一

本陝南狀士投軍從戎素着戰功聞該鎮民受匪害如傷
肌膚廿八日暮請令往擊即與第一連趙連長率隊一連
星夜開赴廿九日早地勢霧迷敵伏莫辨奮勇深入大受
包圍與匪血戰於山塹木頭嶺自朝至午斃匪百餘彈盡
力竭卒以寡不敵眾陣亡兵士三十三人任營長聞報率
隊往救未及田營副趙連長均碎身陣亡縣民間之莫不
哀悼痛惜其為民之忠烈也秋七月二日平涼楊司令派
王團長率兵二營來華援剿匪退過關山

秋七月望隴東警備司令楊渠統大軍之經過 隴南天水
馬師長青苑與孫師長蔚如同屬西北行營綏靖司令楊

虎城指揮馬青苑七月廿因抗命起變八月望楊虎城命孫蔚如留守西安乃親率大軍由隴縣進討命楊渠統率所部各旅由平涼出發經華亭清水進討官民供給糧秣前後約一來復極其忙碌

八月廿土匪夜奪紅山鎮民團快槍 紅山鎮保衛團由民

眾捐款購買快槍十餘枝舉劉文傑為團長招團勇一排飽受訓練維持治安不料八月二十六日夜大雨忽來土匪數十名包圍團部將快槍盡行奪去

九月朔土匪高維岳華明國自稱西北義勇救國軍 高維

岳華明國糾合變兵無賴三百餘掠奪快槍百餘枝編為

華亭縣志

卷三 大事志

四十一

三隊一排自稱西北義勇救國軍表面以抗日為名實際以害民為務盤踞紅山鎮半月乃北走鎮原

九月廿陸軍第十七師補充團團附王夢九由平涼率隊移防華亭 華民此時畏土匪搶劫扯票盼良好駐軍甚切團附王夢九率第二營駐防華亭華民多懼而避之王團附隊駐不數日仍回防平涼只留平爾鳴第三營駐華居民避者乃歸

冬十月廿九日平爾鳴營回防平涼警備第二大隊由固原移駐華亭 前十三師第七旅旅長李彥和與第五旅旅長蔣漢臣二部自六月北駐豫旺縣一帶後受三十八軍

孫軍長蔚如編制為隴東警備第二大隊委李彥和為正隊長蔣漢臣為附隊長於十月廿九日奉令移駐華亭李彥和部七百名全駐城內蔣漢臣部屬一千七八名全駐馬峽鎮劉店村山寨等處冬月初四日蔣漢臣全部越隴山西駐漳縣獨李彥和部留駐縣城兵雖寒苦紀律極嚴民咸愛之惜未久駐十二月十日移防清水

十二月十一日陸軍第三十八軍第十七師補充第三團第一營孫子坤由平涼移防華亭 十二月朔土匪馬榮華搶劫馬峽鎮民團張團長身受重傷時孫營長率軍追勦至二龍王河焚其匪巢奪獲馬匹槍枝並生擒土匪五名槍斃

華亭縣志

卷三

大事志

四十二

二十二年癸酉春正二月土匪四劫馬峽鎮焚燬大嶺民房殘殺民衆 二月朔土匪乘間南來焚燬大嶺萬立功等民房數院殺傷劉店馬甲長及男女老幼牧童樵夫五十七名而去縣長高望之令民衆函調隴縣北區保衛團長韓秉權團隊移駐上關與孫營協同防匪

二月朔孫營長子坤實行兵工政策 孫營長春二月望見城內街道破壞碍人行走親率兵士修理治平掃除穢污種植總理紀念樹平治公共體育場亦駐軍中罕見之舉 二月望二區紅山鎮保衛團長何福林詐病譁變 先是何福林聞地方人士疑己有更代之舉然尚未發何知之乃

詐病以俟其代事機將熟何乃率團勇多人譁變緣土谷峪北竄而為匪
三月十二日土匪復搶馬峽鎮 是日土匪五六十名各持

快槍馬刀突入馬峽鎮街肆行搶劫並扯肉票五人入柳林坪玄峯山
夏四月五日土匪沙海龍馬中喜率眾七八百至山寨馬峽二
鎮城防吃緊平涼補充第三團任團長率二營來援 是日

沙海龍馬中喜匪隊由化平南寧馬峽山寨聞平涼任團
長率隊追至遂緣關山王天鎮南寧至隴縣固關被中央
軍擊敗退駐上關王家溝初六日任團到華初七日與孫
營開上關合擊匪不能支四潰北逃黃夜緣下關武村東
西關蔣家原紛走時孫營長先時回城防守甚嚴匪多馬

華亭縣志

卷三

大事志

四十三

隊銜枚潛過未敢攻城由九龍馬峽劉店過山

閏五月朔補充三團二營營長王寶靈駐防華亭 四月廿

駐防一營營長孫子坤調遷漢中遺缺以團附平爾鳴暫

代前五月廿委劉善祿為一營營長未幾調防平涼換二營

營長王寶靈率隊來華駐防設六路秘探偵察匪情紀律較一營特優

六月廿陸軍第三十八軍孫軍長蔚如司令部八大處由平經

華移駐漢南 是役民夫牲口支應延長半月供費浩繁

秋七月朔綏靖司令楊渠統由陝西回防隴東易華亭防軍 自楊司令渠統回

防平涼對於撥轄楊孫二旅軍隊勤加訓練督勦土匪調補充三團二營營長

王寶靈率隊回平訓練令工兵營營附易伯起率二連駐防華亭

增修華亭縣志

第八編名宦志

舊志外籍官於華亭而有政績或惡迹者列官師志華籍官於外地而有政績者列名宦志余初稿從之均統於人物志中茲得甘肅通志館更正移官師入名宦志移名宦入人物志則華籍顯官於外僅有文武官階而無政績可考者人物志實難分類惟以名宦標目最為切當而編目又碍於重複秉筆者事不獲已只有人不限地域官不分土客之一法方可免重複之弊然土客混志又不免亂閱者之眼目故分外籍本籍兩類而以名宦統之庶幾上不違指令下可除困難後可便觀覽矣

華亭縣志

卷三

名宦志

四十四

外籍類

官師移入
按代編輯

漢代

牛邯字孺卿狄道人饒才勇為隗囂部將防瓦亭光武用馬援策分道戡隴命安定太守王遵為書招之邯知時務明順逆約十三部將歸漢隴西平定民免鋒鏑拜太中大夫

唐代

鄭勉開元時官儀州刺史丞相宋璟奏勉有才但性好異宜擇地委用改陝州刺史

宋代

曹穎叔山東亳州人宋仁宗慶曆間為儀州推官涇秦招討使

韓琦文彥博交薦其才

薛奎字宿藝山西絳州人至道咸平中任儀州推官常部民夫輸糧至益州會雨久麥粟腐奎白轉運使縱民夫還里償其陳腐州使盧之翰怒欲劾之奎徐曰用兵久民疲轉餉今幸兵食有餘安用此陳腐以困民奎在部凡不便於民者皆奏除之

游師雄字景叔陝西武功人師橫渠張載舉進士官儀州司戶叅軍說郡守避陰就陽遷西北文廟學宮於東南

胡鑑字正臣金陵人知儀州有德政西夏李繼遷聲言取州北制勝關謀者以告關吏惶恐欲徙老幼芻粟於內地鑑曰此

華亭縣志

卷三

名宦志

四十五

詐計也徙之是示弱搖民心卒不徙陰厚備之賊亦不至候可字無可陝西華陰人任儀州判官西夏寇邊可以數十騎巡視之猝與敵遇亟分其騎為三四令張旗幟旋山徐行夏人疑為誘騎不敢擊人服其智

劉滄保塞人監瓦亭破黨留及穆寧生諸叛族時任福好水敗歿邊城晝閉民畜多被寇掠滄獨開門納民多所存活又築漳川水洛二城以通秦鳳之路後防水洛民愛不舍卒民留葬建祠祀焉

金代

安師雄官華亭知縣有德政皇統中屢歲大旱加以師旅民不

堪命師雄下車即禱雨已而甘霖三日秋大熟因作記及歌以頌之

元代

王瓊官華亭主簿有善政初至縣見廟學久廢慨然嘆曰祀事不修是誰之咎瓊雖佐貳當仁不讓專之可也捐俸興修置田以供祀

孫勉知華亭興學勸農教養多功

明代

葉安直隸寧晉監生洪武三十年任勤政恤民

張瑛山西恩貢景泰訓導以春秋大義教人石輅其門人也

華亭縣志

卷三

名宦志

四十六

李端成化二十年知縣令民三分之一冬季築城刻期而竣縣署廟學壇祠倉廩次第更新歲三十一年大饑發粟親賑民懷功德

楊侯宣德十年知縣重修文廟

王玘直隸保定人宣德十年教諭倡修文廟

蘇潤濟南長清人宣德十年訓導更正配坐

楊維昱四川新津人弘治教諭好學通易教人以八德為先士咸重之

吳璉山山西平定人正德知縣大寇殺掠民情洶懼咸謀棄城夜遁璉山嚴備防禦示以鎮靜戒曰有敢私逃者斬眾乃堅

壁巡守賊去城全民頌生我

張守亨河南舉人正德知縣待民不苛決獄如流西山多盜計擒渠魁春秋政暇循郊勸農補助不給月朔季首禮訪耆老興除利病有早步禱無民不頌

黃用山東威海衛監生正德十三年知縣索民土品豹皮供媚上司使者以要譽里甲大困

王金直隸貢生嘉靖訓導與邑貢生曹麒修縣志新廟學經營備至

田西城山西交城舉人嘉靖知縣置連騎鑼鼓五色旂仗以迎長官設水陸珍饈館以便饋請縱吏胥連騎毆里甲索厚賄

華亭縣志

卷三

名宦志

四十七

驗糧則折銀入袖役謁則責令通賄頌昨則喜受全牲市屠則索償厚價民有良駒輒給值絀九十張令飼駒成馬賁送三原並輸絨氈品物自奉則蔬食絕賓其貪媚說嗇有如此者王官北京騰驤衛舉人嘉靖知縣修惠民渠以興水利

賈鎧直隸通州監生嘉靖十五年知縣寬厚恤民

孟應鶴河南舉人嘉靖知縣寬仁豁達民有犯罪者輒書名畫枷其上以示辱且能郵驛苦誓不用一馬陞判廣平民立碑頌遺愛

張雄山西安邑人嘉靖二十八年訓導與知縣田西城同惡相濟索民馬三百匹歸其家

李聰屯留人嘉靖三十一年知縣貪酷不仁親詣鄉鄙搜索蓄資倍徵銀糧惡奪民馬里長辛氏先完官糧後少私饋鞭楚致死

楊應亨宣城人嘉靖知縣頗有才能教民陳伍以靖萑苻之亂大旱跣足虔禱沛澤立降

陳嘉猷四川人萬曆知縣才智明敏奸人魯邦達假騰驤衛指揮使索擾地方察得其詐白監司逮捕魯聞夜遁緝獲遣戍李圭山西安邑舉人萬曆中知縣蔬食布衣恭儉廉明三年刑措擢陞正定民泣不舍天啟元年奏請入祠

徐必勲遼陽舉人天啟知縣卒於官入白岩里籍清遷縣西祁

華亭縣志

卷三

名宦志

四六

家溝書香蟬聯今猶望族

孫錠山東萊州人萬曆三十三年知縣重修文廟

葉安直隸寧晉監生洪武三十一年除勤政恤民

楊璋汾州恩貢天啟典史謙謹寬和頗有儒風

徐兆麒山東人崇禎五年知縣到任六日設防不及流賊陷城調至京師懷宗召閣臣議處大學士溫體仁無所平反卒以失城棄市後帝心頗憫其賢而惡體仁

清代

楊榮胤山西陽城縣進士順治四年知縣仁愛廉明恭儉禮士及門者日多每講校經藝夜分不倦民有訟迎及立解更有

介操不苟取與善催科奸胥宿弊盡為清肅不事迫促而民自相勸樂輸稅課早完先是華民每苦武弁任威虐吏恣睢文吏或逆之即激而成患公至召諸弁舉觴溫語曰君治軍吾治民自是各無相預也弁傾服投懽而武斷之害頓息越二年政通人和流移歸附治象漸變但公猶憂時方多故地曠人稀難固吾圉乃割西北高原重築新城民咸慶曰吾輩今有安宇矣掣肘事悉以身任毫不病民華人愛之如父母七年循績茂著上嘉之擢全國卓異第一升工部主事民為公立紀念碑

佟希堯遼東貢士順治十年知縣補葺城衙捐貲重修廟學始

華亭縣志

卷三

名宦志

四十九

編縣志成楊公未竟之功民稱頌之

朱肇禎嘉興縣進士順治四十年知縣頗有清譽

陳珣漢軍旂監生順治四十八年知縣訟無冤民

潘雲龍浙江紹興縣進士康熙知縣卒於官入華亭籍世繼書

香今稱望族

張鐸籍貫出身無考康熙五十一年教諭重修文廟

卓鳳紹惠州舉人雍正六年知縣政不擾累民稱廉能

張永叔保定府進士乾隆三年知縣廉慎不累民陞寧夏去

常齡乾隆時知縣建郊壇垣坊修先農廟祠政修事理

王袞漢軍旂監生乾隆時知縣苛刻嚴厲令買田宅者正價外

復續虧價又出杜絕價民以買田宅為害爭訟不已至今無能止之者哀其始作俑者乎

甘珠爾蒙古舉人乾隆二十二年知縣去害安良以瓦亭驛距城二百餘里供應維艱目擊頽白者負戴道路歲無寧日民苦不堪求上台割縣北十三堡併入固原縣華民得以蘇息又重修學廟改建戟門振興文化愛惜民力楊公而後甘公為最

胡紀謨順天大興縣舉人乾隆時知縣聽訟明決興學勸農尤工詩文

張漢芳平定縣進士乾隆三十年知縣修築城郭創建書院延

華亭縣志

卷三

名宦志

五十

聘名宿教諸生捐俸二百餘金助膏火費文化之興公有力焉徐朗元宛平縣舉人乾隆三十四年知縣廉明有才民亦稱之蒲蘭馨四川新都縣舉人乾隆時知縣公平寬恕士民愛之後以冒賑被黜發黑龍江

華廷颺雲南拔貢英姿颯爽調阜蘭以冒賑案死刑部獄中

黎建三廣西舉人乾隆四十七年知縣聽訟明敏以憂去

海柱滿洲筆帖式乾隆四十九年知縣寬惠廉明適逆回作亂公率士民登城防守每日給賞甚得人心逆回夜偵見城上武備甚嚴不敢侵犯半月官兵乃至雖化平白岩被灾而城中安堵如故民皆德之曰海公生我也未幾而卒民道祭百

里不絕立祠祀焉

張世德湘潭縣進士乾隆時知縣貪鄙傲悍賑濟民糧索財分利軍犯潛逃石斷足脛

杜 乾隆四十九年知縣置儀山書院學田增諸生膏火

趙先甲正甯縣人鑲紅旂教習乾隆五十一年教諭捐俸修明倫堂建大門築垣墻營照壁又於後園建獨醉亭以自娛德行文藝後學可師

萬倍成安邑縣拔貢乾隆五十六年知縣性躁急有才辨決訟明敏少寃民

長齡漢軍旂筆帖式乾隆五十七年知縣嚴法矯弊亮徒斂迹

華亭縣志

卷三

名宦志

五十一

征地丁銀立限春季盡輸如期果然遂以為例民似苦之然後三時盡免催督之擾吏胥宿弊俱清亦僅見之事也

陳允紳思安縣拔貢乾隆五十八年知縣勤慎儉樸先事無悞稽承裕無錫縣監生乾隆五十九年知縣廉明簡易訟息民安惟吏役怨貧耳

李紹聞咸陽縣廩貢乾隆時教諭捐俸建儒學西宅

徐銑嘉慶元年知縣建縣署西白岩鎮社倉積穀備荒

王增輝清湘人嘉慶十年知縣修葺儀山書院旌表殉難義烈李發毅廣西人道光十五年知縣捐俸興學課士右文

鄭春林咸豐丁巳知縣

蔣順達湖南勞績同治九年知縣回亂甫平人民稀少公勞來
安集發食散種又給散牛羊以利農作親詣鄉鄙靖盜息訟
講武修文不遺餘力卸任時將牛羊種丹盡焚之

劉景向涇川歲貢同治九年教諭品行端方

陳基懋湖南舉人同治十二年知縣十三年六月卸

章裕培順天大興縣監生同治十二年典史

徐應奎湖南勞績同治十三年知縣光緒元年五月卸

白耀祖湖南監生同治年典史

汪海涵漢中軍功同治時經制靖盜安民勤能有方

程梅亭宣城縣勞績光緒元年知縣四年十二月卸職吏必法

華亭縣志

卷三

名宦志

五十二

搯役必刑興修文廟整飾書院教士修文大公無私

張慎德燉煌縣恩貢光緒元年教諭五年閏二月卸寬而有制
嚴而不傷興修廟學贊助多功

閔志誠藍田縣監生光緒三年典史五年十月卸言行不謹

王南薰湖南寧鄉縣勞績光緒四年知縣六年十一月卸重修
縣署勞民無怨

戴秉鈞江西臨川縣監生光緒五年典史十年九月病故氣度
和平

王維真涇源歲貢光緒五年教諭十四年三月卸教士勤謹注
重字學

雷文淵四川綿竹縣舉人光緒六年知縣九年六月調禮縣去
訟不留獄稅念民艱興學立教善政多端

黃廷鐘湖北舉人光緒十年知縣十一年卸洞悉利弊注重教養
漆品玉江西新昌縣軍功光緒十年典史十一年十二月卸流
利明達

楊鏐陝西華陰縣捐納光緒十年知縣十二年二月病故

謝瀛浙江山陰縣監生光緒十一年典史二十四年九月卸先
貪後廉

楊得炳湖南勞績光緒十二年知縣十三年九月卸興修倉廩
勤能可嘉流犯兇橫嚴刑攝服

華亭縣志

卷三

名宦志

五十三

黃政勤廣東樂昌縣拔貢光緒十三年知縣十七年八月卸刑
罰適當教澤宏施興修聖廟繼成前功

梁永清涇州拔貢光緒十四年教諭十七年病故教士有方修
廟多功

方傅獲安徽桐城縣勞績光緒十七年知縣十八年卸性慈政清
易思億平遠縣歲貢光緒十七年教諭二十一年卸賄賣廩缺
身敗名裂

李毓恩湖北捐納光緒十八年知縣十九年十一月卸斷才明敏
楊鼎新湖南衡陽縣捐納光緒十九年知縣二十五年七月調
署平涼縣貪黷淫傲縱情惡愷

黃萬蒼中衛歲貢光緒二十一年教諭二十二年卸不玷教職
馬秀儒化平廳歲貢光緒二十二年教諭謙和文雅

楊潮曾秦安縣副榜光緒二十三年教諭二十五年卸教重理
學士咸欽佩

錢廣恩陝西白河縣舉人光緒二十五年知縣二十七年六月
病故書香本色尚有政聲

王從乾皋蘭縣舉人光緒二十五年教諭三十三年六月卸教
士放縱內治無方

姚崇德狄道歲貢光緒時教諭廉謹不貪

馬崇德籍貫出身無考光緒間教諭

華亭縣志

卷三

名宦志

五十四

党瀛洲陝西郃陽縣捐納光緒二十六年代理知縣敏幹有能
後回平涼府經歷任

瑚圖禮蒙古廂白旂繙譯光緒二十七年知縣二十八年八月
卸貪墨不道狂悖無行

袁承澤湖北江夏舉人光緒二十八年知縣二十九年十一月
卸愛士重文政簡訟清

祁永膺廣西博白縣進士光緒二十九年知縣三十一年二月
回隴西本任嚴明果毅文行高耿著有勉勉鋤室類稿嶺學
祠考及各種文集

陳翰聲山東濰縣翰林院庶吉士光緒三十一年知縣三十四

年六月卸性行洒落自治懶散

趙發藻湖南甯鄉縣通判光緒三十四年知縣九月卸剛明果斷惡盜如讐

汪宗翰湖北通山縣進士光緒三十四年知縣宣統元年二月降教職去沉鷲勤能政尚實行擬修縣志留心採訪

徐士魁江西臨川縣監生光緒三十四年典史言行謹持何杰秦州歲貢光緒時教諭誨人不倦

王承恩固原州軍功光緒經制遇事有斟吳正德固原州軍功光緒經制放賭敗俗

陳良均陝西山陽縣進士宣統二年知縣修城集團防匪保民

華亭縣志

卷三 名宦志

五十五

頗著勞績縱親舞弊是其疵累

周鳳鳴皋蘭縣歲貢宣統時教諭有心教育難挽頽風

張元泰化平廳歲貢宣統二年教諭文行平常

高晉中山山西監生宣統時典史貪鄙越俎

民國

聯瑛甯夏鑲黃旗舉人民國元年知事學優言辯行有小疵高鏡寰湖南監生民國二年知事勤慎廉能謙儉誠敬詞藻文雅性行和平

張佩銖陝西長安縣捐納民國三年知事尸位奢餐輕浮矜驕委人聽訟身受愚弄

陳澤藩湖北保舉民國四年知事時以查驗契稅浮加田賦釀成禍變

趙伯璜湖南籍法政畢業民國三年管獄員守職端謹

王宅中天水籍巡警學校畢業民國四年警長貪財害商

周昆湖南法政學校畢業民國五年知事剛傲被控辦學可觀

鄭震谷安徽英山縣拔貢民國六年知事重修文廟整頓警崗

籌款興學練團防匪令民種樹懲盜刑姦

楊思聖武山縣籍法政學校畢業民國六年管獄員好學端品守職勤慎

周敬裕湖北黃陂縣捐納民國七年知事和平圓融

華亭縣志

卷三

名宦志

五十六

戴光國河南洛陽縣籍法政學校畢業民國八年知事慈和廉儉汪承傑安徽黟縣附生民國九年知事貪詭深苛地震奇災撥款賑恤巧折侵吞

原志堅伏羗縣拔貢民國十年知事行政務立大體以賑飢恤貧興學弭盜為要十一年連任修倉廩治城堞督辦民團開闢主山鎮官路補修縣署改良監獄特立女校有造華亭後多賴之

彭立栻皋蘭縣進士民國十三年知事內剛外柔清艾地畝增加田賦

趙文元湖南甯鄉縣保舉民國十四年知事無官氣無壅塞

黃象乾籍貫出身無孜民國十五年縣長舉辦十三萬煙畝大款在縣署裁拷人橋威逼鎮紳富戶賠墊七月望隨張兆鉀逃走

王玉堂陝西三原縣人民國十五年縣長仁勇廉明興學勤匪勤勞備至新城窰鎮一二高校特籌鉅款選人勸修

楊承基河南籍以軍功保舉於民國十六年八月代理縣長十七日而去

葉超福建閩侯縣籍北平大學畢業民國十六年縣長性行曠達文詞豪放心無宿怨

張文泉河南洛陽縣籍民國十八年縣長公歷任隴東富有經

華亭縣志

卷三 名宦志

五十七

驗儘能擔當訟晰民情有能吏之目一高建築籌款完工辦事不無可觀

黃作輔河南項城縣籍民國十九年署理縣長到任甫三日匪陷城解職去

趙光照陝西三原縣籍民國十九年代理縣長連遇匪驚棄城逃避被控撤職

郭健武秦安縣籍民國二十年署理縣長貪暴搜刮民怨沸騰遇匪失城喪身遺臭

王仲明皋蘭縣籍民國二十年代代理縣長特籌巨款助建禮堂張次房武山縣籍大學教授二十一年署理縣長性不偏聽學

有特長培養師資獎勵教育施藥聘醫救治民疫懇請減款縮輕民負購買圖書館書籍創設閱報室講演所政績頗有可觀惜信任康是則在兵站舞弊斂財是其疵累

高望之陝西延川縣籍中學畢業民國二十二年縣長選送留學江西瓷業生考送自治建設訓練員特舩單級師範學校培養初小合格教員改換官升官斗實行地方自治倡修南巷東關街道

侯德三山東荷澤縣籍民國二十二年公安局長監修南巷東關街道旬日竣工勤勞昭著

董雲峰四川子江縣籍北平大學畢業民國二十二年閏五月

華亭縣志

卷三

本籍名宦志

五十八

蒞任秋八月組織臨時賑災委員會募捐糧款救濟被雹災民清理私加煙畝移補教育經費發印縣志

本籍類 舊志名宦
案代編輯

北魏

皇甫澄官秦涼二州刺史

皇甫徽澄子官朝那郡守略陽太守

北周

皇甫稷官隴東太守

皇甫穆官雍州都督

北齊

皇甫亮官行臺郎中

皇甫璠官辟州都督

皇甫誕官兵部侍郎并州都督

皇甫和字長諧官濟陰太守

隋代

皇甫佃績子煬帝大業間官尚書主爵郎後煬帝病孝秀之偽嚴門闕之禁科舉以詩賦策對試士皇甫氏始散居四方不復稱朝那籍華亭矣

皇甫誕字元憲煬帝即位詔贈柱國後加封宏議公

唐代

華亭縣志

卷三

本籍名宦志

五十九

皇甫無逸誕子唐高祖武德初年襲父爵後擢益州都督長史贈封滑國公平輿侯

宋代

王太博官太常博士

明代

多學字識之舉人洪武時官監察御史山東巡按

周鑑嘉靖時官兵部郎中

張維新官吏科給事中

薛珣官鞏昌知縣

石奎官山西平陽通判

賈師謙萬曆時官山西太原府推官蔚州知州
馬魁選官臨晉知縣平安知州

靳仁官應州知州

辛克誠官深潭知縣

楊揖官太原知縣

常謹官洪洞主簿

杜名官浪中知縣

閻懋官常州府經歷

李固本官費縣知縣

陳祥官潞城知縣

華亭縣志

卷三

本籍名宦志

六十

張鐸官渾源知州

楊翊官咸遠知縣

辛旬官汝王府舍人

姜文官瑞州知州

張德隆官韓王府典禮

張廷璽官雄縣知縣

辛憲官羅江主簿

石奇官蒲臺主簿

薛海官新都主簿

辛維一官內鄉主簿

張敬官保定教授
張興官夏縣訓導
郭勵官梓潼訓導
張安官保定教諭
吳鼎官安平知縣
辛鐸官濱州吏目
薛秉中官千戶所吏目
劉守真官山東縣丞
楊傑官大名府照磨
龐聰官朔州吏目

華亭縣志

卷三

本籍名宦志

六十一

張溫諒子官崑山縣丞
王壽政子官通江教諭
石重輅子官滕縣吏目
王鼎官海門教諭
張暉溫之孫官重慶府訓導陞襄陵教諭莊浪縣教授
張平康官曲陽縣丞
薛經官成安主簿
閻梅官歸德照磨
曹麟官巴縣縣丞
曹繼煊官國子監學正

石永清官沈兵訓導

清代

賈興順治時官叅議道

石丹翔康熙時官恩平知縣

曹世昌康熙時官莊浪縣訓導

石紹祖輅孫雍正時官訓導陞知縣

薛福官秦安縣訓導

石策官義興縣典史

何彰圖乾隆時官白水訓導

何彰圖乾隆時官山陽訓導

華亭縣志

卷三

本籍名宦志

十三

尚文乾隆時官安定訓導

何楷乾隆時官永壽縣訓導

辛克中乾隆時官興安縣訓導

馬訥乾隆時官扶風縣訓導

徐際春同治時官成縣訓導文縣教諭陞國子監典籍

石坦光緒時官涇州學正貴德張掖教諭加國子監學正銜

徐迪光緒時官正甯教諭

史炯光緒時官會甯縣教諭

陳輔周光緒時官循化階州教諭宣統時任勸學所長

禹得彥光緒時官都司

禹中海光緒時官甯遠營守備新疆省庫爾喀喇烏蘇游擊加
提督銜

禹益長光緒時官丹噶爾營都司

李登第光緒時官北京三等侍衛

李春發光緒時官平涼白水汛把總

趙玉成光緒時官慶陽合水汛外委

趙玉魁光緒時官安定秤勾驛外委

余得水光緒時官慶陽合水汛外委

韓正德宣統時官固原遊擊

潘大觀宣統時官靖遠縣訓導

華亭縣志

卷三

本籍名宦志

三

禹金城宣統時官甘肅建威軍騎兵管帶

民國

潘達觀十一年任勸學所長

潘偉觀十五年任教育局局長

顏長勝二十年新編陸軍第十三師直轄第五旅委任第十三

團二營四連連長是年冬剿匪陣亡合水縣

增修華亭縣志

第九編人物志

人為三才之一能補天地之造化佐萬物之生育者方不愧與天地並列華亭人物在漢明為極盛時代在前清及民國廿年為極衰時代在極盛時代所出之人物恒以文職兼武功每多出類拔萃之選在極衰時代所出之人物不但文職不超即武功亦鮮有兼擅者同一華亭豈山水之靈秀鍾毓於古而不鍾毓於今乎竊取輿論皆以為培養之不善士習之多伎互助之不講貧寒之所困實為人物衰落之四大原因其然乎豈其然乎孟子曰若夫豪傑之士雖無文王猶興或者近代無豪傑之

華亭縣志

卷三 人物志

六十四

士歟若有之華亭地方自不至久黯而無色也故畧贅數語以志感

名將類

華亭籍才兼文武對於社會國家討平寇亂立有戰功者列名將類

漢代

皇甫規字威明度遼將軍稜之孫扶風都尉旗之季子太守節之胞弟也少有才識負氣節知兵事素為安定郡守所賞識西羌寇邊郡守使為功曹率甲八百破之以功擢上計掾順帝永和六年西羌大寇三輔邊將馬賢敗沒規上疏論撫馭之失請假屯軍五千與武都太守趙冲夾擊帝以年少不用質帝建康元年地震詔舉賢良方正對策輔治規力陳常侍

貪橫邊將驕縱奸臣擅權奢侈淫佚殃民亂國之弊梁冀忿之下第中郎幾遭陷害託病免歸桓帝延熹四年太山賊叛徵拜太守以計平之是秋羌寇又熾奉節督關西軍大破之羌素慕規威信降十餘萬五年氏羌寇張掖酒泉規陳以敵攻敵之計發先零諸羌合討寇絕隴道軍士疾疫規親詣行營調護盡致三軍奮感樂為効死東羌畏降隴道始通規又効罷貪橫牧守數人以息民怨諸羌聞之翕然反善降十萬口隴西遂平還過鄉里多所効奏論功行封常侍徐璜左瑄沿習索賄規杜絕之常侍等乃誣規賂和諸羌粉飾要功下廷尉獄左軍校尉及太學生張鳳等三百人詣闕訟冤赦歸

鄉里六年詔拜度遼將軍蒞營數月託病薦張奐自代不許後調使匈奴始以張奐代之及奐陞大司農規復為度遼將軍常侍屢欲陷之規求去不得故越界迎友人王昱喪陰縱客說并州刺史胡芳効已私越軍營以避仕芳惜其才不聽九年大將軍梁冀及諸常侍擅權黨錮名賢規自以關西豪傑乞附清流同坐不許在邊數年北敵畏懷永康元年徵拜尚書會夏日蝕名論朝政規以黨錮羣賢上失明鑑為言左遷宏農太守未幾增封壽城亭侯不受降為護羌校尉尋罷歸鄉里以詩書教授子弟越十四年梁冀伏誅旬月之間徵聘數至黃瓊李固徐幹諸賢相繼應聘規知權在常侍時不

可為託病不就臨涇隱士王符文行高耿刺名詣謁規倒履躬迎延為上賓有倚宦寺官雁門太守者歸謁則謾不為禮祇以食雁羹否為問老著雜文二十七篇靈帝熹平三年壽七十一病卒於家

皇甫嵩字義真節之嫡子性仁義勤慎幼好詩書習騎射有諸父風桓帝時舉孝廉茂才太尉陳蕃大將軍竇武交徵不應靈帝徵為議郎遷北地太守鉅鹿張角左道惑人聚眾百萬擾亂天下帝詔羣臣議計嵩請弛黨禁出藏錢解廐馬饋軍前勵將士上如其言並勅嵩及朱雋為左右中郎將募勇士率五校尉及三河騎兵四萬分討嵩軍過鄴見常侍趙忠營

宅踰制劾没入官雋軍為潁川賊波才所敗嵩收集餘軍進屯長社波才乘勝來圍將卒皆恐會夜大風嵩召將吏秘計遣勇士潛出圍外火其野草城上舉火應之內外夾擊賊圍遂解會騎都尉曹操以兵來援軍威大振陳國波才鼓脫等賊皆先後破滅汝南陽翟西華諸地以次平定論功行賞中常侍張讓求貨不得譖其妄費徵收印綬削戶六千降將軍為都鄉侯俾鎮長安復拜左將軍討涼州賊王國於陳倉時董卓在前軍欲急擊之嵩止不可養兵觀變賊攻陳倉圍久不下疲飢解去嵩乃以卓殿後躬先追擊斬馘萬餘王國走死卓不知避銳擊疲之道因之慙恨譖降嵩左將軍為槐里

侯嵩從子酈曰今天下倒懸扶危定傾正大人與卓不並立之時也大人仗義除之併其精兵蕩平撫綏以匡漢室此桓文之舉也嵩曰卓專命有罪我專誅是效尤也舉劾卓罪奏請上裁帝誚讓之卓怒擅奪其軍矯詔徵之嵩將行長史梁衍曰卓乘官豎之釁託討罪之名圖謀不軌惟憚將軍今袁氏逼其東若將軍討於西奸可除也乃竟受偽徵危己身以危國家計不左乎嵩不聽還降城門校尉卓尋諷有司劾嵩下廷尉獄將誅之嵩子堅壽詣洛哀卓始獲赦免尋遷議郎陞御史中丞卓遷都長安百官迎謁卓諷令中丞以下皆落拜嵩獨屹立卓曰義真尚未耶嵩曰安知明公今至於此乎

卓曰鴻鵠之志燕雀固不知也嵩曰昔與明公俱為鴻鵠今公獨變鸞鳳耳卓愠乃解後卓誅嵩拜征西大將軍遷車騎將軍尋拜太尉以對星變策罷免復詔為光祿大夫遷太常卿手疏諫議先後凡五百餘事皆有益當時惜草毀無存後李郭亂作以憂病卒

北魏

皇甫真字楚季弱冠即以高才擢拜遼東國侍郎及甄嗣位遷平州別駕時內亂連年百姓勞瘁真建議寬減歲賦休息力役逆旨免官後以破麻秋功拜奉車都尉守遼東營邱二郡皆有善政及偽僭位人為典書令後從慕容平攻鄴拔之不

取珍貨惟存恤人民收圖籍而已僑臨終與慕容恪等俱受顧託與根謀亂真密察得情告恪請除恪狐疑未忍俄根謀發乃誅恪謝真曰不從君言幾成禍敗呂獲之叛恪從真計卒抵成功時真為冠軍將軍別部都督師還拜鎮西將軍并州刺史兼領匈奴中郎將後徵還拜侍中光祿大夫累遷太尉性清儉寡欲不營產業飲酒至石不醉惟好屬文著詩賦四十餘篇後見知於王猛猛常謂權翼曰皇甫真偉器也從府堅入關拜車騎都尉數年卒

宋代

范逵字仲通康定中兄遵死於敵錄逵為三班奉職隸陝西范

華亭縣志

卷三

人物志

六十八

仲淹麾下仲淹勉以學問以策葛懷敏必敗知名當時擢荆州都監拔古渭城轉通事舍人從河北援安定遷殿前都虞侯出為涇原路副都部治平二年以檢校太保同簽書樞密院出領陝西宣撫使判渭州

明代

張諒字子貞輕財好義聰明善射立身孝友居家嚴肅永樂中官貴州左叅議宣德十年諸獠叛諒考績在京英宗知其嚴明可用詔至暖閣面諭賜以金劍命專閩務奏功陞本司左叅政政聲亦著

楊謚字伯維元隱逸楊思道子有勇略善騎射初任工部主事

陞湖廣司郎中正統間寧德等縣礦賊反官軍討之失利英宗名諶賜金劍令討諶奉命不歸私第既至宣佈朝廷恩義招來王孟光一千一百四十九戶給糧存恤諸縣遂安獨馬崇悅不降諶率眾直抵其寨悉擒之聞賊穴婦女財貨不可勝計令曰敢私者斬俾婦女各歸其家餘悉籍奏詔嘉之陞本部郎中兼撫治寧夏

王政字裕民正統十二年官南京工部主事景泰元年遷員外郎天順初陞郎中成化初擢浙江布政使左叅政賊王好已反政討平之

衛穎正統初官濟南衛指揮使土木變作奉詔入衛進爵都督

華亭縣志

卷三

人物志 循良類

六十九

同知天順元年以奪門功封宣城伯成化時官甘肅總兵天順七年與鎮守甘肅左副總兵毛忠破塞外番巴哇諸大族之為邊患者復以功得世襲鐵券

循良類

華亭籍出身正途歷任外官卓著政績者列循良類

北魏

皇甫麟字真駒性卓越有物望為當時豪傑冠刺史王公聞名薦辟州督尋遷主部延興中涇州夷民萬家詣闕請麟為統首帝許之太和二十年仇池不靖煽惑涇隴召為中書博士加議郎驛馳慰勞陳說利害亮頑感悟面縛歸降者數萬人刺史王嘉以望重表為長史由是聲震朝野復擢為清水太

守領鎮軍景明二年除為別駕輔弼有方上下悅服三年擢新平安定二郡督護正始元年以鎮撫開塞有功表為武始太守三年秦涇逆叛表為都長史四年元王復表為別駕驎以年老固辭王頻加厚禮乃就平生雖屢歷顯官然常自貶抑儼如微賤凡所佐蒞皆丹心奉公視金帛如草芥即伯魚之無私楊震之卻賄不是過也年七十五卒於家

明代

陳敏宣德時知茂州遭喪去官諸長官及番民請留任正統中進成都府同知視茂州事尋加右叅政銜景泰初進右叅政仍視州事在州二十餘年威信大著

華亭縣志

卷三

人物志 循良類

七

薛政正統時官夏津知縣九年考最陞高堂知州夏津人苦留不舍上從之大治卒夏津人立德政碑

石輅字君輿性勤敏有膂力善騎射成化會士場災士爭踰垣避之輅援活甚衆授北京兵馬指揮使有盜百餘焚劫東城富民輅馳騎往救射殺多盜獲其渠魁餘賊奔竄憲宗聞之詔賜紵衣白金勞之補東城兵馬使贈封父母如其官後擢高堂知州清約卻饋變其奢俗貧者為置牛租母蔬逋逃咸歸凡有利可興者皆舉之高堂民戴如父母都御史錢錢嘉其能薦為臨清兵備簽事未報輅以疾致仕民為立碑頌遺愛焉

劉時中字大本正德時官大名府檢校太守委訊疑案才能立
決開州豪吏韓甲為伯所訟差役徃捕甲擊殺役移尸伯門
甲匿壁中州收伯刑服而甲事頗露吏恐連坐皆彌縫之公
訊得狀率役捕甲並獲衣刀伯伸甲誅後大名令卒吏民擾
亂擢公攝行

石得贊字調元萬曆時官夏津少尹操守清廉一監生有冤獄
賂數百金求伸贊卻其饋立為直之致仕家居歲饑煮粥賑
活甚多

儒林類

華亭籍有德行文藝並
富著作列儒林類

晉代

華亭縣志

卷三

循良類 儒林類

七十一

皇甫謐字士安堅之子嵩之孫也性沉靜寡慾志清潔高尚受
叔父母撫育年二十不好學叔母任氏援經責曰三牲之養
未足為孝孟母斷機子成大賢汝年壯而目不觀書心不入
道雖嘗以蔬果進侍豈我所望於汝者况修身篤學汝自得
之於我何與因對之流涕謐乃感悟就學於鄉儒席坦帶經
力農食貧躬耕博綜典籍專務著述疾得風痺猶手不釋卷
自號元晏先生或勸謐修名廣交謐作元守論以答之曰出
處聖人且不能兼賢如顏回簞瓢陋巷而名亦顯何必逐世
利官執掌然後為名乎竟不仕而耽玩典籍幾忘寢食時人
稱為書淫或有箴其過篤損精神者謐引聖言以答之曰朝

聞道夕死可矣且命之修短在天叔子四十而喪後母亦還本宗誰能恤其後乎景元初安定太守名為上計掾舉孝廉相國徵辟皆不就鄉人勸其應命又作釋勸論以明志後武帝頻詔敦逼疏辭堅切舉賢良方正皆不起惟表帝借書帝以一車贈之濟陰太守文立以聘士有贄為煩疏請絕其禮幣謚嘆論曰亡國之大夫不可與圖存東帛爰爰易之明義元纁之贄古之舊制孔子曰夙夜強學以待問席上之珍以待聘士於是乎三揖乃進明致之難也一讓而退明去之易成湯之於伊尹文王之於太公或躬即莘野或親載渭濱惟恐禮之不重士之不至敢吝其煩哉且一禮不備貞女恥之

華亭縣志

卷三

儒林類 忠義類

七二

况命士乎論語云爾愛其羊我愛其禮棄之如何政之失賢於此見矣咸寧初召為太子中庶子以疾篤固辭尋復徵為議郎召補著作郎皆不應泰康三年卒壽六十八子童靈方回出其父所作詩賦論難及所著帝王世紀年曆高士逸士烈女等傳元晏春秋禮樂聖真論等書並重於世門人贄虞張軌牛綜席純皆為晉名臣

忠義類

華亭籍及非華亭籍能盡忠報國行義衛民者列忠義類

漢代

皇甫鄴嵩之從子獻帝時為謁者僕射李郭亂作獻帝令鄴以涼州名家遣諭催汜答均不遜鄴欲再責死義帝措鄴令勿

再去

晉代

皇甫重字叔倫性沈果有才智見知於司空張華官新平太守元康中為秦州刺史其弟商為長沙王又叅軍河間王顥遣四郡兵攻义商間行齋帝手詔使四郡罷兵令重進兵討顥顥捕商殺之义兵敗重猶堅守四郡兵築土山攻城重輒以連弩射之所在掘地窟郡兵不得近將士亦用命死戰卒以弟商被害城久無援陷重被執不屈見殺

皇甫方回謚子守父操有文行永嘉之際徵為博士不赴避亂荆州為刺史陶侃所禮重時王敦謀反忌侃欲奪荆州以授弟虞方回說侃拒之以固國本侃不聽虞得荆州乃忌方回責其不謁殺之聞者哀焉

隋代

皇甫誕字元憲少剛毅有氣節周畢王引為倉曹叅軍隋高祖時為兵部侍郎出為曹州刺史轉調刑部侍郎俱有能名尋遷治書侍御史朝臣無不嚴憚時上以百姓多流亡命為河南道大使以安集之事還奏對稱旨上悅擢大理少卿未幾陞尚書佐丞時漢王諒總管并州朝廷盛選僚佐上以誕公方卓著拜并州總管司馬政事一以資之煬帝繼位徵諒入朝諒舉兵反誕數諫不納因流涕曰願王奉詔命守臣節若

再遷延陷身叛逆求為黔首不可得也諒怒囚之後楊素將兵至諒屯兵清源以拒之諒主簿盧毓出誕於獄協謀閉城拒諒諒擊破之誕毓均抗節遇害帝以誕亡身殉國嘉悼久之下詔褒美

皇甫績字功明三歲孤外祖韋孝寬愍之不加嚴訓績嘆曰我無庭訓何以成人遂自勵勤學博覽經史周武帝時引為侍讀轉宮尹中士武帝避暑雲陽宮衛刺王作亂百僚多避績聞亂赴之遇太子於元武門太子持績手悲喜交集帝聞而嘉之開皇初拜都督尚書出為晉州刺史言陳有可伐者三上嘉勞遣之陳平蘇州刺史高智慧反顧子元等應之績至

華亭縣志

卷三

忠義類

七十四

說子元勿應楊素以兵來援智慧滅子元卒全其家拜績信州總管後徵還京師卒諡曰安

宋代

郭執中以進士歷官樞密承旨建中靖國初應詔言事以直切忤旨蔡京籍為黨人斥居同谷紹興初金人犯成縣執中集鄉豪守禦敵以兵脅執中怒斬其使敵遂解去後卒同谷民稱頌不置

明代

何相劉乾州恩貢崇禎知縣會流寇攻城與訓導鄒公率兵士堅守力竭城陷不屈死義上聞旌曰困守孤城力竭死義是

真能讀聖賢書者蔭其子入國子監

衛時春宣城伯穎之元孫崇禎末年掌後府事李自成陷京師懷鐵券闔門抗拒不敵十七人同赴井死

清代

廩生辛可薦遠敏功附生張自反者賓朱九一嘉慶初大寇入境脅裹不從罵賊被害邑人哀其義烈碑旌文廟戟門

李吉祥道光元年被寇擒縛拷問鄰家藏金五毒備至不言遇害王典道光廩生品學兼優同治初逆回猖亂執之抗罵不屈被害

都司陳得勝同治二年奉令率甘涼軍三營援華戰回匪于王

華亭縣志

卷三

忠義類

七十五

家山力竭陣亡土人廟像祀之

廩生潘家修李儉同治二年率團勇戰回匪於王家山力竭陣亡

知縣張衍福福建人同治六年四月七日夜率團勇守城禦回力竭城陷不屈死義

典史哈慶雲江蘇人同治六年四月七日夜與張衍福同時死義

同治六年四月七日夜民團輸義堅守城破戰死者有貢生石元蒸潘存樸廩生石元醇柳作棟石圭增生胡生桂附生石元燉柳作舟武生楊輔清趙忠從九朱昇雲監生王大成農

官薛養性文童柳作楫馬文炳石屋團總許祥團勇王忠張重
倉薛士仁曹英蘭尹志劉禧李棟何寬樊連春竇萬鵬賈愉
李潤王棟李永獲等三十一名善後武舉莊培基等報官紳
死義原由詳請恤典上憲未覆民國十七年春縣長葉超呈
請省政府准入忠烈祠享祀

民國

上關保衛團第一隊團長王克敏書記王善述均高小畢業生
民國十七年十二月二十六七日恐楊子福匪入境率團勇
五十餘人至王家河嶺禦之與匪肉搏血戰往來馳突相抗
兩晝夜殺匪數十卒以衆寡不敵力盡矛折陣亡死義

華亭縣志

卷三

忠義類

七十六

縣城保安第二隊隊長陳書元皋蘭人民國十七年十二月二
十八日率兵士十六人擊楊子福犯上關土匪千餘明知衆
寡不敵惟見該鎮房校人民被匪焚殺烟天血地慘不忍觀
忠義憤發誓死擊賊殫竭力盡陷陣身亡縣主席張文泉呈
請省政府准題主忠烈祠享祀撫恤其家十八年正月邑民
又假隍廟地址特開追悼會通贈輓聯以示哀榮並迎主
入祠

保安第一隊正目張進福縣之東巷人與陳書元聯為一氣同
日援救上關衝鋒擊賊陷陣被圍迫交槍彈罵不絕口單身
持刀肉搏殺賊匪活捉之割舌斷脰至死不屈為民犧牲英

風凜凜士皆以烈丈夫稱之事聞省政府准入忠烈祠享祀
保安隊護兵楊遇魁係阜蘭人因匪衆兵寡陳隊長被圍於槍
林彈雨中奮不顧身直撲救護竟中彈慘死與張進福同以
勇烈著聞

鄉賢類

華亭籍其德行道義足以矜式鄉里者列鄉賢類

宋代

聶從志為時名醫仁恕端謹療貧者疾未嘗取貲活人千數邑
丞妻李氏得危疾從志療愈之歲餘婦死儀州推官黃靖國
病夢冥吏謂李氏欲敗其德從志操嚴不動壽僅六十而活
人又多持短婦一紀以贈從志之壽並錫子孫世官以懲婦
惡而彰有德黃覺招從志問之從志隱而不宣後從志七十
二卒子登科甲孫圖南官雒縣縣丞

明代

曹麒孝親友弟品端學優為邑貢生嚴教博聞撰修縣志記事

華亭縣志

卷三

鄉賢類

七十八

可觀北城土惡築之輒潰劣紳恒藉工漁利知縣王金徵民
修築眾舉麒監督麒使貧者負土富者輸材垣墻雉堞半歲
咸新一勞永逸費少功多

張士恩家富粟貲萬曆歲饑民多餓孺士恩自呈捐粟五百石
賑之全活甚眾縣請旌表

清代

石長甲字臚一咸豐增生廉敬自持言行不苟家常一飯食必
正位享年六旬始終如一品學望重官民咸欽同治亂後監
修文廟公有力焉

尚恭字敬亭號連城生穎異束髮受書能悟聖賢宗旨弱冠遊

庠食廩及至恩貢愈勵慎獨之功服冠言行罔不端謹即尋
常應酬必工楷書不作行草屬文下筆汨汨千言倚馬可待
事親養志無違居喪哀毀幾致慟殞伯性揮霍見恭謹持謀
與析爨恭不與較田宅器具悉以美者與焉乃舌耕於縣治
各區以自給同治回亂避難陝西鳳翔鳳人咸慕其品學爭
賓師之亂平還邑士務進取恭以先覺設帳授徒首以孝經
小學敦其品行使知治平之道原於修齊華邑文風恭其胚
胎且終身無疾言厲色雖屢歷困境亦未嘗廢學時人稱為
尚古人云

孝子類

華亭籍對於家庭祖父母及父母能有特殊之報者列孝子類

明代

王湘寶行無徵

薛湘廩生薛銓節婦閻氏之季子父死尚幼賴母教養母七十餘卒湘輓柩赴縣泃水之陽與父合葬負土築垣植樹廬墓三年不去

清代

潘瑀年幼家貧傭工養親先意承志事繼母愛諸弟以孝友聞同治回亂負親逃避採薇供養輾轉多年艱苦備至寇平負親偕諸弟歸里婚娶成家光緒二十六年督學夏啟瑜臨平

華亭縣志

卷三

孝子類

八十

華亭士庶公請旌表准入祠亭祀

節婦類

華亭官紳民婦貞節可
作坤範者列節婦類

漢代

皇甫規繼妻色殊能文尤工草隸規死年盛時董卓專政慕其
才色厚幣強聘氏知不免乘輿詣卓大罵羗狗毒屠生靈妾
之先人清德奕世妾夫文武輔漢忠賢君昔趨吏今犯主母
天必殛之卓怒杖殺後人繪像號曰禮宗

北魏

夏侯氏皇甫徽妻才明知禮夫死子和年甫十一氏守節教子
授和經史卒致通顯宗族吉凶輒詣氏諮訪儀禮

明代

華亭縣志

卷三

節婦類

八十一

劉氏張經之妻生子平康隆德女春姐正德十年大寇入境逼
母女以刃均大罵不屈被殺後二子俱補太學生以官顯
閻氏廩生薛銓之妻隴縣閻鴻臚仲容之女太保仲宇之猶子
也識古訓有家風主中饋精女工事王姑極孝謹銓死三十
氏年廿九哀毀幾死矢志靡它遺孤四男一女皆幼食貧撫
養艱苦備至男顯女嫁壽七十餘卒趙時春作墓志表之
李氏柴訓導子安慶之妻費縣知縣李固本之女夫死無子李
氏抱從一之義食貧守貞五十年如一日壽八十餘終
劉氏辛永康妻生子女各一夫家貧充城里長典史催科凌楚
縊死氏撫子女雖遇昆弟不苟言笑每耕鋤必使其子視道

乃適于世泰年十六又充里長糧急戶亡泰亦欲遁劉曰吾
母子寧死此室去此則非辛氏婦也遂賣田悉償氏之節官
之虐皆可見矣

李氏紀言妻產未竟月流賊陷城一賊入家逼之氏給賊近床
以刀斫死後賊入碎氏尸

陳氏知縣馬魁選妻崇禎七年流賊陷城氏知不免以子付侍
免持刀自刎賊相顧駭愕事聞旌表

趙氏知縣石起鳳妻流賊陷城恐污潛入察院縊死
俞氏曹務之妻夫亡姑老苦節孝養族黨交稱

清代

華亭縣志

卷三

節婦類

八十二

韓氏陳忠樓妻二十夫亡姑憐勸黥氏跪地哭曰子死媳去誰
事老親誓死不變乾隆七年旌表節孝

許氏生員賈體乾妻廿三夫亡俸老撫幼晝夜勤勞貧不失志
乾隆十年公請旌表

張氏生員尚國光妻夫亡姑老孝養不怠姑歿葬祭咸如家禮
乾隆十年詳請旌表

梁氏生員范世璿妻夫亡無子氏傭女工俸翁姑孝謹至死乾
隆間勅賜旌表

李氏頓某妻夫亡家貧晝力農事夜勤女工茹藥飲冰沒齒無
怨乾隆十一年旌表

俞氏任秉吉妻夫死守節心堅金石克盡母教訓子成立乾隆十三年建坊旌表

吳氏生員王居正妻翁亡姑存夫死子幼矢志全貞苦心操作孝姑撫子守業成家乾隆十三年旌表

馬氏十八歸薛僅生一子廿一夫亡苦志守節歷年四十人無聞言乾隆四十年卒平涼太守歐陽公賜節並松筠匾額旌之
曹氏生員徐世珍妻貢生曹思恭之胞妹也三歲失恃移養姑母歸徐廿年夫亡子幼矢志守節素多疾病賢嫂鄧氏維持調護四十亦寡嫂妹二人艱苦操作教子成名曹氏全節鄧嫂多功

華亭縣志

卷三

節婦類

全三

梁氏強某妻廿三夫亡自誓從一苦節教子三十餘年志操不墮督學柳賜教姜遺範四字旌之

賀氏張進財妻夫遇虎害子幼家貧苦節教養四十餘年不改厥操乾隆五十二年督學芮賜匾旌之

李劉氏二十夫亡子僅一歲舍命不渝苦節四十年乾隆五十八年建坊旌表

石氏楊某之妻青年夫亡一生靜正年逾古稀戚里重之

范氏柳某之妻同治六年四月初七日夜回匪陷城携子文童作楫投井死

潘氏邑廩生潘繼岳之妹生員馮俊傑之妻光緒二十六年夫

以疾終氏年十八無子誓死同穴以家親勸阻不克如志及夫墓後三日防護稍懈氏乃肅糶飲毒以殉縉紳聞之咸以貞一義烈許焉

賈氏龐鉞之妻年二十六生二子尚幼夫病死水漿不入口者七日慟夫情切投井以殉光緒三十四年知縣陳翰聲哀其義烈詳請旌表宣統二年知縣汪宗瀚奉得諭旨准給三十金建坊賜情表彤管四字旌之以樂舞生送主人節孝祠配享民國

朱氏毛有財妻年甫二十家貧無子夫妹適城高振祥琴瑟不調姑詣勸慰振祥毆之夫往視母振祥復用矛戳死會氏歸

探母疾聞之絕食氣死者數家人救醒告母勿念刻即奔視撫尸大慟哭躍而絕時值二年六月初伏陳尸半月面色如生毫無臭氣貞烈之名聞動城市知事高鏡寰捐廉承殮學校議會均以輓聯旌諸通衢

孟氏農官楊生福妻生子文源氏甫三十二歲其夫即逝苦節傲霜教子八庠張氏生員楊文源妻生子棲鳳氏甫二十九歲其夫又逝矢志靡它教子成名一門雙節之死不變輝映上闕人皆稱之張氏守節二十年享壽四十九歲終於民國五年秋七月孟氏守節五十二年享壽八十四歲終於民國二十年秋九月惟時匪亂頻仍廉恥道喪誰復念世風之不

厚節操之不彰而思有以表揚之也民國二十一年壬申夏
六月廿余奉令重整縣志行將付印棲鳳得生母張氏之教
養固厚得祖母孟氏之教養惟更厚今二氏俱歿孝思難忘
持其行狀來懇志諸節婦之末余博訪不訛故援筆記之

烈女類

華亭閩女遇難及被逼不屈或以身殉者列烈女類

明代

生員潘雲霄女年甫及笄流賊逼之不屈投井身死
王永紹女未笄流賊執之惡罵不屈觸石而死

清代

柴坵李氏二女及笄待字同治回亂從父逃避輾轉數年衣食
交絕回匪又至百端搜羅父以死終難免溺死潭水纖嫻姊
妹慟父懼賊相携溺殉聞者哀其義烈

杜氏女劉天受聘妻性至孝年十五未笄同治回亂舉家逃散
女被賊挾馬上哭且罵乘間投崖死

華亭縣志

卷三

烈女類

八十六

選舉類 華亭籍文行優良歷代曾被徵辟登科第及選舉為有議會議員者列選舉類明清以五貢起民國以中枝及中枝以上專門學校畢業起

漢代

皇甫規 舉賢良方正 皇甫嵩 舉孝廉

宋代

郭執中 進士

明代

洪武時

張敬多 學文舉 辛克誠 楊楫 常謹 歲貢

建文時

張諒 進士

華亭縣志 卷三 選舉類 十七

永樂時

楊諶 張安 文舉

洪熙時失傳

宣德時

王磐 李讚 文舉 王霖 歲貢 陳賓

正統時

薛正 文舉 李鐸 吳鼎 郭勝

王政 辛鐸 杜銘 薛秉中 歲貢

景泰時

石輅 武舉 劉守真 楊傑 閻懋

龐聰 郭純 李和 歲貢

天順時

陳圭 張溫 李固本 曹福

陳祥 王壽 李喜 楊翊

吳瑄 白璧 曹寬 歲貢

成化時

薛珣 靳仁 文舉 岳泰 辛珣

袁善 楊鳳 石重 龐澤 均歲貢

弘治時

張維新 進士 石圭 文舉

華亭縣志 卷三 選舉類

八

正德時

劉時中 翰林苑庶吉士 王鼎 王資 姜文 均歲貢

辛文 張暉 張達 李應元

張平康 辛啟 張德隆 歲貢

嘉靖時

曹繼參 進士 張廷璽 陳鎔 辛憲

姜麓 曹大智 薛經 閻梅

曹麒 曹繼焯 石奇 王邦彥

張洙 辛維一 曹獬 李祿

薛治 石永清 薛同 司諫

劉 璠 王執中 歲貢

隆慶時失傳

萬曆時

賈師謙 文舉

天啟時失傳

崇禎時

馬魁選 文舉

清代

順治時

賈 興 徐騰甲 石丹翔 歲貢

華亭縣志 卷三 選舉類 十九

康熙時

曹世昌 歲貢

雍正時

石紹祖 王作哲 薛 福 石 策 歲貢

乾隆時

張 炎 何彰圖 何彪圖 馬 訥

杜維翰 徐知新 許大猷 賈世炎

龐 洽 尚 文 何 柱 何 楷

朱 純 張信道 任光前 辛克中

徐唐師 王思明 范 愷 扈 奮

許汝紳 王文煥 楊自得 趙炳
 石中珍 白自新 鄧郡 高岱
 李翰 石箝 李洙 李士傑
 姬紹伯

嘉慶時

李登第 武進士 華士居 拔貢

道光時

徐際春 拔貢 徐際陳 恩貢 徐際陵 歲貢

咸豐時

石元蒸 潘存樸 均歲貢 莊培基 武舉 石堃 拔貢

華亭縣志 卷三 選舉類 九十

同治時

段錫珍 傅青年 岳瑞嵩 均文舉 史傳青 趙玉魁

余得水 李春發 趙玉成 均科分無考武舉 徐迪 拔貢

光緒時

魏彥威 乙亥恩科文舉 羅先甲 丙子科文舉 歐陽冠英 鄒崑生 均丙子科武舉

鄒崑晶 文舉 石坦 趙萬春 均恩貢 梁峻 拔貢

劉炆基 丁酉科拔貢 史炯 陳輔周 趙書寶

曹育堂 尚恭 高希冉 王瑛

潘瑗 張士楷 馮良佐 張融

潘琇 孫建 田見龍 李殿魁

潘永清

劉煥謀

楊汝芳

張問行

趙文煥

禹建功

屈自善

潘大觀

莊主敬

李士楷

潘達觀

姜輔周

尚增新

徐杰

徐杰

姜輔周

宣統時

尚政治

徐延年

潘偉觀

王鴻猷

強文

閔士傑

張正銘

張樹勳

曹鑑

幸國霖

幸國霖

韓勤陞

民國時

尚政和

尚政和

尚政和

曹諒

華亭縣志

卷三

選舉類

九十一

柳燧霞

賀家修

柳培霞

柳培霞

張錫彤

劉鍾琪

王化行

王化行

李春芳

劉鍾琪

柳蔭霞

柳蔭霞

幸育仁

俞世英

劉永慶

薛壽松

王鼎極

俞世英

劉永慶

薛壽松

幸育智

魯正邦

李春華

李春華

強鎮英

張治霖

強立名

周鳳岐

李建周

俞世茶

潘衍漁

米世昌

潘孔懿

俞世茶

潘衍漁

米世昌

潘榆炳

袁琇

張國權

趙爾英

以上十八年二中
新制三屆畢業

六年二中舊制三屆畢業
國立法政專門學校預科畢業

十六年一師舊制本科畢業

以上十一年二中舊
制八屆畢業

以上十七年七師新制
講習科一屆畢業

以上十七年二中
新制二屆畢業

六年二中舊
制三屆畢業

十年七師舊
制一屆畢業

十五年二中
新制一屆畢業

三年二中舊
制一屆畢業

甘肅省立陸軍
小學校畢業

甘肅省立武備
學堂畢業

均已酉科
拔貢

甘肅全省優級師範學
校選科博物科畢業

李樹周

高仰極

關德駿

閻篤信

以上十八年七師
新制二屆畢業

趙時英

陝西中山
學院畢業

張書紳

十九年七
師畢業

屈思古

二十年七
師畢業

邵席珍

二十一年二
中畢業

王秉乾

段體正

朱勳來

杜如楷

幸邦榮

徐延齡

以上二十一年七師畢業

傅海洲

王貽謀

梁鴻峻

李樹藩

魯宗周

苟文義

以上二十二年二
前期畢業

鄧執中

禹繼舜

以上二十二年七
師前期畢業

隱逸類 非華亭籍致仕棄官移居華亭德行道義足資匡輔者列隱逸類

唐代

田苗曾黃均唐末四大名宦遭黃巢朱溫之亂隱居縣西蓮花臺開山建寺學張子房訪赤松子遊亦高士也惜臺寺歷經興廢籍貫諱字失傳令人不無缺憾

元代

楊思道字夢輔順帝時官鞏昌總管通易不阿致仕隱居縣西楊家庄明洪武二年大將軍徐達西征聞其賢聘攝安集事會邑兵事甫定戶止八百思道招殖流民千戶丁萬口劃全域為十里以安集之又葺縣署修學宮以興教養數年新任

華亭縣志

卷三

隱逸類

九十三

下車思道即致政歸武村里藩司以安集有功特旌異之

明代

趙時春字景仁號浚谷平涼人性嚴毅介持少讀書強記喜談兵凡天文地理六藝百家之書無不精通年十四舉於鄉明嘉靖五年中會元授庶吉士為當時八才子之一與唐順之齊名屢陞戶部兵部主事九年上疏請禁諛佞正士風又疏請崇治本信號令廣延訪勵廉恥惜人才固疆域正治教七事上嘉納之時都御史汪溶進甘露副都御史徐瓚進瑞麥時春劾其罔上逢君歷陳當務之要最大者一最急者三帝怒下獄除名久之起為編修兼司經未幾陞都御史擢山西

巡撫會閣官專橫時春抗直不阿致仕歸隱縣之硯峽鎮倡
開煤炭製土瓷乙卯歲早佐縣令王官修惠民渠引水溉田
撰平涼府志

仙釋類

華亭籍及非華亭籍性清行異不染塵俗留有仙踪死後靈魂足供神學上之研究者列仙釋類

晉代

王質縣之王家峽口人入山採薪見二奇老對奕置斧於地立觀之俄一童獻桃異香沁脾質津慕之童與其一啖之腹遂不飢惟見山花時開時謝而已及奕畢見地上斧柯已爛歸則家人全已隔世無識之者言及往事孫乃知其為昔遺祖質自此竟不喜烟火食遂入山修煉登仙而去今馬峽之南尚有爛柯山足資明證

唐代

黃冠真人姓籍無考修真縣西之蓮花臺常戴黃冠募化四方

華亭縣志

卷三

仙釋類

九十五

並施符籙驅除妖邪殿塔臺觀真人創之後證金仙受唐勅封何仙姑華之何氏女及笄天殂時呂純陽袖唐寇李儒魂魄周游至此女尸有仙骨遂出儒魂活之後女所言皆儒冠持戒被焚事仍師純陽以全真而山亦因之得名焉

明代

海龍聖母考海龍山廟碑聖母係靈臺橫渠李氏女及笄不字靜居幽閨日事績紡明萬曆二年忽援線亡去家人踪之線入我華西南海龍山洞身已坐化其中降神傳語係上界仙子謫降人間真性不昧仍依名勝歸真云云後因祈禱舒旱靈應不爽勅封三府元君行宮徧陝甘新三省

喬和尚南區高山堡人息妄陝西太白山嘉靖四十年以錫杖荷碾盤碾碾歸置馬蓮渠鄉人見者驚為神力後亡去不知所終今則盤碾透明如鏡照人鬚髮歷歷可數清光緒時喬姓家貧不惜先祖遺物以十二金出售窰鎮閩姓渠人不舍因之構訟贖置原所

清代

許半仙邑人幼孤家貧為人牧羊嘗入山數日不出家人尋獲見與虎狎問所飲食曰啖黃精後修真龍門吳岳數年乾隆初又游居崆峒之演玄觀平涼人往問休咎言輒有中因之號焉會天旱郡守延請祈禱刻期普潤聲譽大著後亡去不知所終

華亭縣志

卷三

仙釋類

九十六

知所終

陳野仙隴南人乾隆時棲霞龍門早陽洞嘗入華亭募緣至安口窰見陶人出瓷野仙特詣化之陶人斥化非地又以老羸無能給與全窰野仙連稱善哉而去次早窰瓷盡空莫知所之陶人叱異踪之龍門洞瓷器悉在山寺大甕多置懸崖峭壁間又見石人攻磨亦詣化之石人給與野仙即以禪杖荷其雙輪如飛而去石人追之不及時教諭趙先甲聞而異之特造訪焉

民國

楊道士蜀人清左文襄平甘時楊曾隸名軍籍後因塵世之感

觸慨然有修真之志遂束髮於窰頭鎮之陶神寺數年又移
禪於縣西之蓮花臺募化興工俾臺觀之廢者復興光緒末
季則足跡鮮出山寺惟事烹煉宣統二年冬與弟子危壚靜
坐喝氣壚火壚中即現鼎折足三字弟子見即書之問其休
咎曰字闕清國存亡余特示之翌年即驗無足異也宣統三
年秋九月革命軍起清果覆亡民國二年冬羽化歸空

